



初唐第一

唐詩紀一

長安  
振錄  
西  
詩  
卷  
四

吳郡黃德水彙編

鄣郡吳 瑄校訂

太宗皇帝

本紀云姓李氏諱世民高祖第二子

郡公徙封趙國公高祖受禪拜尚書令右武  
候大將軍進封秦王海內漸平乃銳意經籍  
開文學館以待四方之士杜如晦等十有八  
人為學士與之討論高祖傳位在位二十四  
年崩謚文皇帝有集四十卷。帝嘗作宮體  
詩使虞世南賡和世南曰聖作誠工然體非  
雅正上有所好下必有甚焉恐此詩一傳天  
下風靡不敢奉詔帝曰朕試卿爾後帝為詩  
一篇述古興亡既而歎曰鍾子期死伯牙不  
復鼓琴朕此詩何所示邪勅褚遂良即世南

言系  
靈座焚之。唐詩品云文皇生更隋代早事  
藝文習氣既閑神標復秀故綺發天葩輝揚  
內藻聲音之本不徒然矣及乎大業成就神  
氣充揚延攬英賢流徽四座其遊幸諸作宮  
徵鏗然六朝浮靡之習一變而唐雖綺麗鮮  
錯而雅道立矣其爲一代之祖又何疑焉

### 帝京篇十首

并序

余以萬機之暇游息藝文觀列代之皇王考當  
時之行事軒昊舜禹之上信無間然矣至於秦  
皇周穆漢武魏明峻宇雕墻窮侈極麗征稅殫  
於宇宙轍跡徧於天下九域無以稱其求江海  
不能贍其欲覆亡顛沛不亦宜乎余追踪百王

之末馳心千載之下慷慨懷古想彼哲人庶以  
堯舜之風蕩秦漢之弊用咸英之曲變爛漫之  
音求之人情不爲難矣故觀文教於六經閱武  
功於七德臺榭取其避燥濕金石尚其諧神人  
皆節之於中和不係之於滛放故溝洫可悅何  
必江海之濱乎麟閣可翫何必雨山一作陵之間  
乎忠良可接何必海上神仙乎豐鎬可游何必  
瑤池之上乎釋實求華以人從欲亂於大道君  
子耻之故述帝京篇以明雅志云爾

秦川雄帝宅函谷壯皇居綺殿千尋起離宮百雉  
餘連甍遙接漢飛閣迴凌虛雲日隱層闕風煙出  
綺疏

巖廊罷機務崇文聊駐輦玉匣啓龍圖金繩披鳳

一作鳥

篆章編斷仍

一作方

續縹帙舒還卷對此乃淹

留

一作忘憂

欵案

一作枕

觀墳典

移步出詞林停輿欣武宴瑀弓寫明月駿馬疑流  
電驚鴈落虛弦啼猿悲急箭閱賞誠多美於茲乃  
忘倦

鳴笳臨樂館眺聽歡芳節急管韻朱弦清

一作長歌

凝白雪彩

一作威

鳳肅來儀

一作下

玄鶴紛成列去茲

鄭衛聲雅音方可悅

芳辰追逸趣禁苑信多奇橋形通漢上峰勢接雲  
危煙霞交隱映花鳥自參差何如肆轍跡萬里賞  
瑤池

飛蓋去芳園蘭橈遊翠渚萍

一作梁

間日彩

一作影

亂

荷處香風舉桂楫滿中川弦歌振長嶼豈必

一作獨汾河曲方爲歡宴所

落日雙闕昏迴輿九重暮長煙散一作初碧皎月

澄輕素褰幌翫琴書開軒引雲霧斜一作漢耿層

閣清風搖玉樹

歡樂難再逢芳辰良一作真可惜玉酒泛一作溢雲壘

蘭肴陳綺席千鍾合堯禹百獸諧金石得志重寸

陰忘懷輕尺璧

建章歡賞夕二八盡妖妍羅綺昭陽殿芬芳璫瑁

筵珮移星正動扇掩月初圓無勞上玄圃即此對

神仙

以茲遊觀極悠然獨長想披卷一作襟覽前蹤撫躬

尋既往望古茅茨約瞻今蘭殿廣人道惡一作慮高

危虛心戒盈蕩奉天竭誠敬臨民思惠養納善察

忠諫明科慎刑賞六五誠難繼四三非易仰庶一作

廣待淳化敷方嗣云亭響

飲馬長城窟行

塞外悲風切交河水已結瀚海百重波陰山千里

雪迴戍危烽火層巒引高節悠悠卷旆旌飲馬出

長城寒沙連騎跡朔吹斷邊聲胡塵清玉塞羌笛

韻一作金鉦絕漠干戈戢車徒振原隰都尉反龍

堆將軍旋馬邑揚麾氛霧靜紀石功名立荒裔一

戎衣靈一作臺凱歌入

執契靜三邊

執契靜三邊持衡臨萬姓玉彩輝關燭金華流日

鏡無為宇宙清有美璇璣正皎珮星連景飄衣雲

結慶戢武一作榮七德昇文輝九功煙波澄舊碧

塵火息前紅霜野韜蓮劍關城罷月弓錢綴榆天

合城新一作柳塞空花銷葱嶺雪殺盡流沙霧

城俱疑

秋駕轉兢懷春冰彌軫慮書絕龍庭羽烽休鳳穴

戍衣宵寢二難食盱飡三懼翦暴興先廢除兇存

昔亡圓蓋歸天壤方輿入地荒乳海池京邑雙河

沼帝鄉循躬思勵已撫俗愧時康元首佇鹽梅股

肱惟輔弼羽賢崆嶺四翼聖襄城七澆俗庶反淳

替文聊就質已知隆至道共歡區宇一

正日臨朝

條風開獻節灰律動初陽百蠻奉遐賚萬國朝未

央雖無舜禹蹟幸欣天地康車軌同八表書文混

四方赫奕儼冠蓋紛紛盛服章羽旄飛馳道鍾鼓  
震巖廊組練輝霞色霜戟耀朝光晨宵懷至理終  
愧撫遐荒

### 幸武功慶善宮

紀事云貞觀六年九月帝幸慶善宮帝生時故宅也因宴從臣賞賜間里同漢沛宛帝歡甚賦詩起居郎呂才請平宮商被之管弦命曰功成慶善樂使童子八佾為九功之舞大宴會與破陣樂偕奏於庭

壽丘惟舊跡鄠邑乃前基粵予承累聖懸弧亦在  
茲弱齡逢運改提劍鬱匡時指麾八荒定懷柔萬

國夷梯山咸一作盛

一作盛

入欵駕海亦來思單于陪武帳

日逐衛文槐一作作

一作作

端辰朝四岳無為任百司霜

節明秋景輕冰結水涓芸一作玄

一作玄

黃遍原隰禾穎積

一作儲

京畿一作抵

一作抵

共樂還鄉一作譙

一作譙

宴歡此大風詩

### 重幸武功

代馬依朔吹驚禽愁昔叢况茲承眷一作睿

一作睿

德懷舊

感深衷積善欣餘慶暢武悅成一作神

一作神

功垂衣天下

治端拱車書同白水巡前跡丹陵幸舊宮列筵歡

故老高宴聚新豐駐蹕撫田畷迴輿訪牧童瑞一作

王  
氣縈丹闕祥煙散碧空孤嶼含霜白遙山帶日  
紅於焉歡擊筑聊以詠南風

經破薛舉戰地

昔年懷壯氣提戈初仗節心隨朗日高志與一作  
秋霜潔移鋒驚電起轉戰長河決營碎落星沈陣  
卷橫雲裂一揮氛沴靜再舉鯨鯢滅於茲俯舊原  
屬目駐華軒沈沙無故迹滅竈有殘痕浪霞穿水  
淨峰霧抱蓮昏世途亟流易人事殊今昔長想眺  
前蹤撫躬聊自適

於北平作

翠野駐戎軒盧龍轉征旆遙山麗如綺長流縈似  
帶海氣百重樓巖松千丈蓋茲焉可遊賞何必襄  
城外

遼城望月

玄兔月初明澄輝照遼碣映雲光暫隱隔樹花如  
綴魄滿桂枝圓輪虧鏡彩缺臨城却影散帶暈重  
圍結駐蹕俯九都佇一作觀妖氛滅

春日玄武門宴羣臣



韶光開令序淑氣動芳年駐輦華林側高宴柏梁  
前紫庭文珮一作樹滿丹墀袞紱連九夷造瑶席五  
狄列瓊筵娛賓歌湛露廣樂奏鈞天清樽浮綠醕  
雅曲韻朱弦粵余君一作臨萬國還慙撫一作俯八埏  
庶幾保貞固虛已厲求賢

登三臺言志

未央初壯漢阿房昔侈秦在危猶騁麗居奢遂役  
人豈如家四海日宇罄一作整朝倫一作輪扇天裁戶  
舊砌地剪基新引月擎一作繁宵桂飄雲逼曙鱗露

除光炫玉霜闕映雕銀舞接花梁燕歌迎鳥路塵  
鏡池波太液莊苑麗宜春作異甘泉日停非路寢  
辰念勞慙逸已居曠返勞神所欣成大厦宏材佇  
一作寵涓濱一作臨

冬狩

烈烈寒風起慘慘飛雲浮霜濃凝廣隰冰厚結清  
流金鞍移上苑玉勒騁平疇旌旗四望合且羅一  
面求楚路爭兕一作麇殪秦亡角一作解鹿愁獸忙投  
密樹鴻驚起礫洲騎斂原塵靜戈迴嶺日收心悲

言終  
初唐卷之一  
非一作  
洛汭逸意在渭濱游禽荒非所樂撫轡更招  
憂

元日

高軒暖春色邃閣媚朝光彤庭飛綵旆一作旆翠幌  
曜明璫恭已臨四極垂衣馭八荒霜戟列丹陛絲  
竹韻長廊穆矣薰風茂康哉帝道昌繼文遵後軌  
循古鑒前王草秀故春色梅豔昔年粧巨川思欲  
濟終以寄舟航

初春登樓即目觀作述懷

憑軒俯蘭閣眺矚散靈襟綺峯含翠霧照日蒞紅  
林鏤丹霞錦一作鋪岫殘素雪斑岑拂浪隄垂柳嬌  
花鳥續吟連薨豈一拱衆榦如千尋明非獨材力  
終藉棟梁深彌懷矜樂志更懼戒盈心愧制勞居  
逸方規十產金

初晴落景

晚霞聊自怡初晴彌可喜日晃一作光百花色風動  
千林翠池魚躍不同園鳥聲還異寄言博通者知  
予物外志

賦得夏首啓節

北闕三春晚南榮九夏初黃鶯哢漸變翠林花落  
 餘瀑流還響谷一作石猿啼自應虛早荷向心卷長  
 楊就影舒此時歡不極調軫坐相於

度秋

夏律昨留灰秋箭今移晷峨眉岫初出洞庭波漸  
 起桂白發幽巖菊黃開灞涘運流方可歎含毫屬  
 微理

秋日即事

爽氣浮丹闕秋光澹紫宮衣碎荷疎影花明菊點  
 叢袍輕低草露葢側舞松風散岫飄雲葉迷路飛  
 煙鴻砌冷蘭凋佩閨寒樹殞桐別鶴棲琴裏離猿  
 啼峽中落野飛星箭弦虛半月弓芳菲夕霧起暮  
 色滿房櫳

山閣晚秋

山亭秋色滿巖牖涼風度疎蘭尚染煙殘菊猶承  
 露古石衣新苔新巢封古樹歷覽情無極咫尺一作

只輪光暮

秋暮言志

朝光浮燒野霜華淨碧空結浪冰初鏡在逕菊方  
叢約嶺煙深翠分旗霞散紅抽思滋泉側飛想傳  
巖中已獲千箱慶何以繼薰風

喜雪

碧昏朝合霧丹卷暝韜霞結葉繁雲色凝瑤遍雪  
華光樓皎若粉映幕集疑沙泛柳飛飛絮粧梅片  
片花照壁臺圓月飄珠箔穿露瑤潔短長階玉藪  
高下樹映桐珪累白縈峰蓮抱素斷續氣將沈徘徊

徊歲云暮懷珍愧隱德表瑞佇豐年蒞間飛禁苑

鶴處舞

一作舞處憶

伊川儻詠幽蘭曲同歡黃竹篇

秋日教庾信體

嶺銜宵月桂珠穿曉露叢蟬啼覺樹冷螢火不溫  
風花生圓菊蕊荷盡戲魚通晨浦鳴飛鴈夕渚集  
栖鴻颯颯高天吹氛澄下熾空

賦尚書

崇文時駐步東觀還停輦輟膳玩三墳暉燈披五  
典寒心覩肉林飛魄看沈洎縱情昏主多克已明

君鮮滅身資累惡成名由積善既承百王末戰兢

隨歲轉

寒心覩肉林飛魄看沈湫一作夏康既逸豫商辛亦流湫

詠司馬彪續漢志

二儀初創

一作構

象三才乃分位非惟樹司牧固亦

垂文字綿代更膺期芳圖無輟記炎漢承君道英

謨纂神器潛龍既可躍術

一作株

兔奚難致前史殫

妙詞後昆沈雅思書言揚盛跡補闕興鴻志川谷

猶舊途郡國開新意梅山未覺朽穀水誰云異車

服隨名表文物因時置鳳戟翼康衢鸞輿

一作衡

總

柔轡清濁必能澄鴻纖幸無棄觀儀不失序遵禮

方由事政宣竹律和時平玉條備文囿雕竒彩藝

門蘊深致雲飛星共流風揚月兼

一作徐

至類禋遵

令典壇壝資良地五勝竟無違百司誠有庇粵予

承暇景談叢引衆

一作泉

秘討論窮義府看覈披經

笥大辯良難仰小學終先匱聞道諒知榮含毫孰

忘愧

謁慈恩寺題英法師房

停軒觀福殿遊目眺皇畿法輪含日轉花蓋接雲

飛翠煙香綺閣丹霞光寶衣幡虹遙合彩空外迴  
分暉蕭然登十地自得會三歸

望送魏徵葬

閶闔總金鞍上林移玉輦野郊愴新別河橋非舊  
餞慘日映峰沈愁雲隨蓋轉哀笳時斷續悲旌乍  
舒卷望望情何極浪浪淚空泫無復昔時人芳春  
共誰遣

初唐第一

初唐第二

唐詩紀二

吳郡黃德水彙編

鄞郡吳 瑄校訂

太宗皇帝

臨洛水

春蒐馳

一作騁

駿骨總轡俯長河霞處流縈錦風前

漾卷羅水花

一作光

翻照樹堤蘭倒插波豈必汾陰

曲秋雲發棹歌

望終南山

重巒俯渭水碧嶂插遙天出紅扶嶺日入翠貯巖  
煙疊松朝若夜復岫闕疑全對此恬千慮無勞訪  
九仙

過舊宅

新豐停翠輦譙邑駐鳴笳園荒一徑斷苔古半階  
斜前池消舊水昔樹發今花一朝辭此地四海遂  
爲一作家

首春

寒隨窮律變春逐鳥聲開初風飄帶柳晚一作雪

間花梅碧林青舊竹綠沼翠新苔芝田初鴈去綺  
樹未一作鶯來

月晦

晦魄移中律凝暄起麗城罩雲朝蓋上穿露曉珠  
呈笑樹花分色啼枝鳥合聲披襟歡眺望極目暢  
春情

儀鸞殿早秋

寒驚薊門葉秋發小山枝松陰背日轉竹影避風  
移提壺菊花岸高興芙蓉池欲知涼氣早巢空燕

不窺

秋日翠微宮

秋光凝翠

一作紫

嶺涼吹肅離宮荷疎一葢缺樹冷

半帷空側陣移鴻影圓花釘菊叢攄懷俗塵外高

眺白雲中

初秋夜坐

斜廊連綺閣初月照宵幃塞冷鴻飛疾園秋蟬噪

遲露結林疎葉寒輕菊吐滋愁心逢此節長歎獨

含悲

秋日二首

菊散金風起荷疎玉露圓將秋數行鴈離夏幾林

蟬雲凝愁半嶺霞碎纈高天還似成都望直見峨

一作蛾眉前

爽氣澄蘭沼秋風動桂林露凝千片玉菊散一叢

金日岫高低影雲空點綴陰蓬瀛不可望泉石且

娛心

冬宵各為四韻

雕

一作形

宮靜龍漏綺閣讌公侯珠簾燭燄動繡柱

詩

卷之二

三



言終  
初唐卷之二  
三  
月光浮雲起將歌發風一作塵停與管道瑣除任多  
士端辰竟何憂

冬日臨昆明池

石鯨分玉溜劫燼隱平沙柳影冰無葉梅心凍有  
花寒野凝朝霧霜天散夕霞歡情猶未極落景遽  
西斜

望雪

凍雲宵徧嶺素雪曉凝華入牖千重碎迎風一半  
斜不粧空散粉無樹獨飄花榮空慙夕照破彩謝

晨霞

守歲一作董  
思恭詩

暮景斜芳殿年華麗綺宮寒辭去冬雪暖帶入春  
風階馥舒梅素盤花卷燭紅共歡新故歲迎送一  
宵中

除夜一作董  
思恭詩

歲陰窮暮紀獻節啓新芳冬盡今宵促年開明日  
長冰銷出鏡水梅散入風香對此歡終讌傾壺待  
曙光

傷遼東戰亡

鑿門初奉律仗戰始臨戎振鱗方躍浪騁翼正凌  
風未展六奇術先虧一篲功防身豈乏智徇命有  
餘忠

賦得白日半西山

紅輪不暫駐烏飛豈復停岑霞漸漸落谿陰寸寸  
生藿葉隨光轉葵心逐照傾晚煙含樹色棲鳥雜  
流聲

置酒坐飛閣

高軒臨碧渚飛簷迴架空餘花攢鏤一作檻殘柳  
散雕櫳一作岸菊初含蕊園梨始帶紅莫一作慮

崑山暗還一作共盡一作杯中

三層閣上置音聲

綺筵移暮景紫閣引宵煙隔棟歌塵合分階舞影  
連聲流三處管響亂一作一重弦不似秦樓上吹  
簫空學仙

遠山澄碧霧

殘雲收翠嶺夕霧結長空帶岫疑全碧障霞隱半

紅髣髴分初月飄颻度曉風還因三里處冠蓋遠  
相通

賦得含峯雲

翠樓含曉霧蓮峰帶晚雲玉葉依巖聚金枝觸石  
分橫天結陣影逐吹起羅文非復陽臺下空將惑  
楚君

詠風

蕭條起關塞搖颺下蓬瀛拂林花亂彩響谷鳥分  
聲披雲羅影散泛水織文生勞歌大風曲威加四

海清

詠雨

罩雲飄遠岫噴雨泛長河低飛昏嶺腹斜足灑巖  
阿泫叢珠締葉起溜鏡圖波濛柳添絲密含吹織  
空羅

又

和風一作氣吹綠野梅雨灑芳田新一作細流添舊澗  
宿霧足朝煙鴈濕行無次花霑色更鮮對此欣登  
歲披襟弄五弦

詠雪

潔野凝晨曜裝墀帶夕暉集條分樹玉拂浪影泉  
璣色灑粧臺粉花飄綺席衣入扇縈離一作匣點  
素皎殘機

賦得花庭霧

蘭氣已薰宮新葢半粧叢色含輕重霧香引去來  
風拂樹濃舒碧縈花薄蔽紅還當雜行雨髣髴隱  
遙空

春池柳

年柳變池臺隋堤曲直迴逐浪絲一作陰去迎風  
帶影來疎黃一鳥哢半翠幾眉開縈雪臨春岸參  
差間早梅

芳蘭

春暉開紫一作禁苑淑景媚蘭場映庭含淺色凝露  
泫浮光日麗參差影風傳一作和輕重香會須君子  
折佩裏作芬芳

詠桃

禁苑春暉麗花蹊綺一作幾樹粧綴條深淺色點露

言糸 初唐卷之二  
參差光向日分千笑迎風共一香如何仙嶺側獨  
秀隱遙芳

賦得櫻桃

春字韻

華林滿芳景洛陽徧陽春朱顏含遠日翠色影長  
津喬柯嘒嬌鳥低枝映美人昔作園中實今爲  
來席上珍

賦得李

玉衡流桂圃成蹊正可尋鶯啼密葉外蝶戲脆花  
心麗景光朝彩輕霞散夕陰暫顧暉一作章側還

一作遠眺靈山林

賦得殘菊

階蘭凝曙霜岸菊照晨光露濃晞曉笑風勁淺  
搖殘香細葉凋輕翠圓花飛碎黃還持一作今歲  
色復結後年芳

詠烏代陳師道

凌晨麗城去薄暮上林棲辭枝枝暫起停樹樹還  
低向日終難托迎風詎肯迷只待纖纖手曲裏作  
宵啼

詠飲馬

駿骨飲長涇奔流灑絡繹細紋連噴聚亂行遶蹄  
縈水光鞍上側馬影溜中橫翻似天地裏騰波龍  
種生

賦得浮橋

岸曲非千里橋斜異七星暫低逢輦度還高一作  
逐浪驚水搖文鷁動纜轉錦花縈遠近隨輪影輕  
重應人行

賦簾

參差垂玉闕舒卷映蘭宮珠光一作花一作搖素月竹影  
亂清風彩散銀鈎上文斜桂戶中唯當雜羅綺相

與一作媚房櫳

詠興國寺佛殿前幡

拂霞疑電落騰虛狀寫虹屈伸煙霧裏低舉白雲  
中紛披乍依迴掣曳或隨風念茲輕薄質無翅強  
搖空

過舊宅

金輿巡白水玉輦駐新豐紐落藤披架花殘菊破

叢葉鋪荒草蔓流竭半池空  
一作 珮蘭凋一作 徑舒  
 圭葉剪桐昔地一蕃內今宅九圍中  
 架海波澄鏡韜戈器反農八表文同軌  
 無勞歌大風

還陝述懷

慨然撫長劍濟世豈邀名  
 星旗紛電舉日羽肅天  
 行徧野屯萬騎臨原駐五營  
 登山麾武節背水縱  
 神兵在昔戎戈動今來宇宙平

入潼關

嶠函稱地險襟帶壯兩京  
 霜峰直臨道水河曲繞

城古木參差影寒猿斷續聲  
 冠蓋往來合風塵朝夕驚  
 高談先馬度偽曉預鷄鳴  
 棄繻懷遠志封泥負壯情  
一作 有真人氣安知名不名

春日登陝州城樓俯眺原野  
 迴丹碧綴煙霞密翠斑紅芳  
 菲花柳即目川岫聊以命  
 篇

碧原開霧隰綺嶺峻霞城煙  
 峰高下翠日浪淺深明斑紅  
 粧葢樹圓青壓溜荆迹巖勞  
 傳想窺野訪莘情巨川何以  
 濟舟楫佇時英

出獵

楚王雲夢澤漢帝長楊宮豈若因農暇閱武出轅  
嵩三驅陳銳卒七萃列材雄寒夜霜氛一作氣白平  
原燒火紅瑯戈夏服箭羽騎綠沈弓怖獸潛幽壑  
驚禽散翠空長煙晦落景灌木振一作偃嚴風所為  
除民瘼非是悅林一作秋叢

宴中山

驅馬出遼陽萬里轉旂常對敵六奇舉臨戎八陣  
張斬鯨澄碧海卷霧掃扶桑昔去蘭縈翠今來桂

染芳雲枝浮碎葉冰鏡上朝光回首長安道方懽  
宴栢梁

賦秋日懸清光賜房玄齡

秋露凝高掌朝光上翠微參差麗雙闕照耀滿重  
闈仙馭隨輪轉靈鳥帶影飛臨一作照波無定彩入  
隙有圓暉還當葵藿志傾葉自相依

春日望海

披襟眺滄海憑軾翫春芳積流橫地紀一作軸疏派  
引天潢仙氣凝三嶺和風扇八荒拂潮雲布色穿



浪日舒光照岸花分彩迷雲鴈斷行懷卑運深廣  
持滿守靈長有形非易測無源詎可量洪濤經變  
野翠島屢成桑之采思漢帝碣石想秦皇霓裳非  
本意端拱且圖王

初夏

一朝春夏改隔夜鳥花遷陰陽深淺葉曉夕重輕  
煙唳鶯猶響殿橫絲正網天珮高蘭影接綬細草  
紋連碧鱗驚棹側玄燕舞簷前何必汾陽處始復  
有山泉

謁并州興國寺

迴鑿遊福地極目翫芳晨梵鍾交二響法日轉雙  
輪寶刹遙承露天花近足春未佩蘭猶小無絲柳  
尚新圓光低月殿碎影亂風筠對此留餘想超然  
離俗塵

採芙蓉

結伴戲方一作芳塘携手上雕航船移分細浪風散  
動浮香遊鶯無定曲驚鳧有亂行蓮稀釧聲斷水  
廣棹歌長棲鳥還密樹泛流歸建章

琵琶紀事作董思恭

半月無雙影全一作金花有四時摧藏千里態掩抑

幾重悲促節縈紅袖清音滿翠帷駛彈風響急緩

曲釧聲遲空餘關隴恨因此代相思

餞中書侍郎來濟一作宋之問詩非

曖曖去塵昏灞岸飛飛輕蓋指河梁雲峯衣結千

重葉雪岫花開幾樹粧深悲黃一作白鶴孤舟遠獨

歎青山別路長聊將分袂沾巾淚還用持添離席

觴

詠燭二首

焰聽一作畏又作折風來動花開不待春鎮下千行淚非

是為思人

九龍蟠焰動四照逐花生即此流高殿堪持代一作

待月明

詠弓紀事作董思恭

上弦明月半激箭流星遠落鴈帶書驚啼猿映枝

轉

賦得早鴈出雲鳴

言系  
初秋玉露清早鴈生空鳴隔雲時亂影因風乍含  
一作聲

賦得臨池柳

岸曲絲陰聚波移帶影踈還將眉裏翠來就鏡中  
舒

賦得臨池竹

貞條障曲砌翠葉貫一代寒霜拂牖分龍影臨池  
待鳳翔

賦得弱柳鳴秋蟬

散影玉階柳含翠隱鳴蟬微形藏葉裏亂響出風  
前

探得李

一本題作詠李

盤根直盈渚交榦橫倚天舒華光四海卷葉陰三  
川

詠小山

近谷交縈蘂造峯對出蓮徑細無全磴松小未含  
煙

賜蕭瑀

疾風知勁草板蕩識一作昏誠臣勇夫安一作識  
義智者必懷仁

賜房玄齡

太液仙舟迴西園隱上才未曉征車度雞鳴關早  
開

於太原召侍臣賜宴守歲

四時運灰琯一夕變冬春送寒餘雪盡迎歲早梅  
新

遼東山夜臨秋

煙生遙岸隱月落半崖陰連山驚鳥亂隔岫斷猿  
吟

賜魏證詩

魏證善治酒有名曰醽醁翠  
濤世所未有太宗賜詩曰

醽醁勝蘭生翠濤過玉薤千日醉不醒十年味不

敗蘭生漢武帝百味甘酒  
玉薤隋煬帝酒名也

幸靈州破薛延陀叙事

唐詩紀事云貞觀二十年秋帝幸靈州破薛  
延陀時回紇諸部遣使入貢乞制官司帝為  
詩序其事云云公卿  
請勒石於靈州從之

雪恥酬百王除兇報千古

闕

初唐第二

初唐第三

唐詩紀三

吳郡黃德水彙編

鄞郡吳瑄校訂

高宗皇帝

本紀云帝諱治太宗第九子貞觀五年封晉王皇太子承乾廢魏王泰亦罪黜立為皇太子年二十二即位顯慶後多苦風眩政歸武氏在位三十四年集八十六卷

太子納妃太平公主出降

紀事云高宗子洪為太子納妃有司奏費用白鴈適苑中獲之又云太平公主武后所生帝擇薛紹尚之假萬年縣為婚門隘不能容翟車有司毀垣以入自興安門設燎相屬道

詩紀

初唐卷之三

言終  
枯槭為

初唐卷之三

龍樓光曙景魯館啓朝扉艷日濃粧影低星降婺  
輝玉庭浮瑞色銀榜藻祥徽雲轉花縈蓋霞飄葉  
綴旂雕軒迴翠陌寶駕歸丹殿鳴珠佩繞一作衣  
鏤壁輪開初一作扇華冠列綺筵蘭醕申芳宴環階  
鳳樂陳玳席珍羞薦蝶舞袖香新歌分落素塵歡  
凝歡懿戚慶叶慶初姻暑闌炎氣息涼早吹踈頻  
方期六合泰共賞萬年春

七夕宴玄圃二首

羽蓋飛天漢鳳駕越層巒俱歎三秋阻共叙一宵  
歡璜虧夜月落靨碎曉星殘誰能重操杼織手濯  
清澗

霓裳轉雲路鳳駕臨天潢虧星凋夜靨殘月落朝  
璜促歡今夕促長離別後長輕梭聊駐織掩淚獨  
悲傷

過温湯

一作太宗按初學記當作高宗

温渚停仙蹕豐郊駐曉旌路由迴輪影巖虛傳漏  
聲暖溜驚湍駛寒空碧霧輕林黃疎葉下野白曙

詩已

初唐卷之三

二

言細 初唐卷之三 二  
霜明眺聽良無已 煙霞斷續生

九月九日

端居臨玉辰初

一作永

律啓金商鳳闕澄秋色龍闈

引夕涼野靜山氣斂林疎風露長砌蘭虧半影巖

桂發全香滿葢荷凋翠圓花菊散黃揮鞭爭電烈

飛羽亂星光柳空穿石碎弦虛側月張怯猿啼落

岫驚鴈斷分行斜輪低夕景歸旆擁通莊

謁大慈恩寺

一作太宗詩按弘明集當作高宗

日宮開萬

一作百

仞月殿聳千尋花葢飛團

一作圓

影

幡虹曳曲陰霞綺遙籠帳叢珠細網林寥廓煙雲表超然物外心

中宗皇帝

本紀云諱顯高宗第七子封英王章懷太子廢立為太子高宗崩即帝位

太后臨朝稱制改元嗣聖廢帝為廬陵王居房陵聖曆中召還東都張柬之等率羽林兵

討武氏之亂帝復位改元神龍景龍四年遇毒崩在位六年。紀事云景龍中於修文館

置大學士四員學士八員直學士十二員象四時八節十二時凡天子饗會游豫唯宰相

直學士得從春幸梨園並涓水被除則賜細柳園辟惡夏宴蒲萄園賜朱櫻秋登慈恩浮

圖獻菊花酒稱壽冬幸新豐歷白鹿觀上驪山賜浴湯池給香粉蘭澤從行給翔麟馬品

官黃衣各一帝有所感即賦詩學士皆屬和當時人所欽慕然皆狎猥佻佞忘君臣禮法

惟以文章取幸

九月九日幸臨渭亭登高并序

陶潛盈把既浮九醞之歡畢卓持螯須盡一生之興人題四韻同賦五言其最後成罰之引滿九日正乘秋三杯興已周泛桂迎樽滿吹花向酒浮長房萸早熟彭澤菊初收何藉龍沙上方得恣

淹留

紀事云時景龍三年是宴也韋安石蘇瓌詩先成于經野盧懷慎最後成罰酒

登驪山高頂寓目

四郊秦漢國八水帝王都閶闔雄里閨城闕壯規

模貫渭稱天邑含岐實奧區金門披玉館因此識

皇

一作黃 圖 紀事云帝自題序末云人題四韻後罰三杯日暮成者五六人皆罰酒

幸秦始皇陵

眷言君失德驪邑想秦餘政煩方改篆愚俗乃焚書阿房火已滅閣道遂成墟欲厭東南氣翻傷掩鮑車

立春日遊苑迎春

神臯福地三秦邑玉臺金闕九仙家寒光猶戀甘泉樹淑景偏臨建始花綵蝶黃鶯未歌一作舞梅



香柳色已矜

一作堪

誇迎春正啓流霞席暫囑曦輪

勿遽斜

十月誕辰內殿宴群臣效栢梁體聯句

潤色鴻業寄賢才

帝

叨居右弼愧鹽梅

李嶠

運籌

帷幄荷時來

宗楚客

職掌圖書濫蓬萊

劉憲

兩司謬

忝謝鍾裴

崔湜

禮樂銓管効涓埃

鄭愔

陳師振旅

清九垓

趙彥昭

欣承顧問侍天杯

李適

銜恩獻壽栢

梁臺

蘇頲

黃縑青簡奉康哉

盧藏用

鯁生侍從忝王

枚

李义

右掖司言實不才

馬懷素

宗伯秩禮

一作祀

天

地開

薛稷

帝歌難續仰昭回

宋之問

微臣捧日變寒

灰遠慙班左愧遊陪

上官婕妤

紀事云帝謂侍臣曰今天下無事朝野多歡欲與卿等詞人時賦詩宴樂可識朕意不須惜醉此後每遊別殿幸離宮駐蹕芳苑鳴笳仙禁或戚里宸筵王門香席無不畢從

景隆四年正月五日移仗蓬萊宮御大明

殿會吐蕃騎馬之戲因重爲栢梁體聯句

大明御寓臨萬方

帝

顧慙內政翊陶唐

皇后

鸞鳴

鳳舞向平陽

長寧公主

秦樓魯館沐恩光

安樂公主

無心爲

子輒求郎

太平公主

雄才七步謝陳王

溫王重茂

當熊讓輦

愧前芳上官昭容再司銓筦恩可忘吏部侍郎崔湜文江學海

思濟航著作郎鄭情萬邦考績臣所詳考功員外郎武平一著作

不休出中腸著作郎閻朝隱權豪屏跡肅嚴霜御史大夫竇從一

鑄鼎開嶽造明堂將作大匠宗晉卿玉醴由來獻壽觴吐蕃

舍人明

紀事云時上疑竇從一宗晉卿素不屬文未即令續二人固請許之吐蕃舍人明恙獵請令授筆與之恙獵云云上大悅賜與衣服

韓王元嘉本傳云高祖第十一子宇文昭儀所生封韓王有至性少好學聚書至萬

卷採碑文古跡多得異本閨門修整當時稱之後為定州刺史武后誅戮宗室元嘉與越

王貞子冲圖舉兵冲敗元嘉坐誅。紀事云孟利貞嘗稱其文曰劉璘之周思茂不過也

### 奉和同太子監守違戀

乾象開層構離明啓少陽卜征從獻吉守器屬元

良逖矣凌周誦遙哉掩漢莊好士傾南洛多才盛

北場地分丹鷲嶺途間白雲鄉儲誠虔曉夕宸愛

積炎涼珠璧連霄漢萬物仰重光

越王貞本傳云太宗第八子少善騎射頗涉文史封越王垂拱中中宗廢居房陵與子

冲連謀諸王圖反正事兵敗飲藥死

### 奉和聖製過温湯

鳳輦騰宸駕驪籞次乾遊坎德踈温液山隈派暖  
流寒氛空外擁蒸氣沼中浮林凋惟影散雲斂蓋  
陰收霜郊暢玄覽參差落景道

章懷太子

本傳云名賢字明允高宗第六子容止端雅誦古詩賦經覽不忘始封潞王徙封沛王孝敬皇帝薨立為皇太子嘗招集學者張大安等注范曄後漢書後明崇儼為盜所殺則天疑賢所為使人發其陰謀事廢為庶人逼令自殺

黃臺瓜辭

武后殺太子弘立賢為太子賢日懷憂惕知不能保全無由敢言乃作是辭命樂工歌之  
興后聞而感悟

種瓜黃臺下瓜熟子離離一摘使瓜好再摘使瓜  
稀三摘猶自可摘絕抱蔓歸

初唐第三

初唐第四

唐詩紀四

吳郡黃德水彙編

鄞郡吳 瑄校訂

虞世南

本傳云字伯施越州餘姚人性沈靜寡

之二陸為文章婉縟祖述徐陵為秦府參軍  
貞觀中累遷至秘書監賜爵永興縣子太宗  
每稱其有五絕德行忠直博學文詞書翰也  
卒謚文懿勅曰世南於我猶一體也拾遺補  
闕無日暫忘實當代名臣人倫準的今其云  
亡石渠東觀中無復人矣。世南在隋有詩

已載隋  
詩紀中

從軍行二首

詩紀

初唐卷之三

言終  
卷之四  
塗山烽候驚弭節度龍城冀馬樓蘭將燕犀上谷  
兵劍寒花不落弓曉月逾明凜凜嚴霜節冰壯黃  
河絕蔽日卷征蓬浮天散飛雪全兵值月滿精騎  
乘膠折結髮早驅馳辛苦事旌麾馬凍重關冷輪  
摧九折危獨有西山將年年屬數奇

烽火發金微連營出武威孤城塞雲起絕陣虜塵  
飛俠客吸龍劍惡少縵胡衣朝摩骨都壘夜解谷  
蠡圍蕭關遠無極蒲海廣難依沙磴離旌斷晴川  
候馬歸交河梁已畢燕山旆欲揮方知萬里相侯

服見光輝

擬飲馬長城窟

馳馬渡河干流深馬渡難前逢錦車使都護在樓  
蘭輕騎猶銜勒疑兵尚解鞍温池下絕澗棧道接  
危巒拓地勳未賞亡城律詎寬有月關猶暗經春  
隴尚寒雲昏無復影冰合不聞湍懷君不可遇聊  
持報一餐

出塞

上將三畧遠元戎九命尊緬懷古人節思酬明主

恩山西多勇氣塞北有遊魂揚桴

一作

上隴坂勒

騎下平原誓將絕沙漠悠然去玉門輕齎不遑舍

驚策驚戎軒凜凜邊風急蕭蕭征馬煩雪暗天山

道水塞交河源霧鋒黯無色霜旗凍不翻耿介倚

長劍日落風塵昏

結客少年場行

韓魏多奇節倜儻遺聲

一作名

利共矜然諾心

一作情

各負縱橫志

一作意

結交一言重相期千里至綠沈

明月弦金絡浮雲轡吹簫入吳市擊筑遊燕肆尋

源博望侯結客遠相求少年懷一顧長驅背隴頭

燄燄戈霜動耿耿劍虹浮天山冬夏雪交河南北

流雲

一作風

起龍沙暗木落鴈門秋輕生殉知己非

是為身謀

怨歌行

紫殿秋風冷雕甍落

一作白

日沈裁紈悽斷曲織素

別離心掖庭羞改畫長門不惜金寵移恩稍薄情

踈恨轉深香銷翠羽帳弦斷鳳凰琴鏡前紅粉歇

階上綠苔侵誰言掩歌扇翻作白頭吟

中婦織流黃

寒閨織素錦含怨斂雙蛾  
綜新交縷澁經脆斷絲  
多衣香逐舉袖釧動應鳴梭  
還恐裁縫罷無信達  
交河

門有車馬客

陳尊重交結田蚡擅豪華  
曲臺臨上路高軒抵狹  
斜赭汗千金馬繡軸五香車  
白鶴隨飛蓋朱鷺入  
鳴笳夏蓮開劍水春桃發  
綬花高談辯飛兔摘藻  
掘靈虵逢恩出毛羽失路委  
泥沙曖曖風煙晚路

長歸騎遠日斜青瑣第塵飛  
金谷苑危弦促柱奏  
巴渝遺簪墮珥解羅襦如何  
守直道翻使谷名愚

飛來雙白鶴

飛來雙白鶴奮翼遠凌煙  
俱棲集紫蓋一舉背青  
田颺景過伊洛流聲入管弦  
鳴羣倒景外刷羽闐  
風前映海疑浮雪拂澗瀉飛泉  
燕雀寧知去蜉蝣  
不識還何言別儔侶從此間  
山川顧步已相失徘徊  
各自憐危心猶警露哀響詎聞  
天無因振六翮  
輕舉復隨仙

奉和幽山雨後應令

肅城隣上苑黃山邇桂宮  
雨歇連峰翠煙開竟野  
通排虛翔戲鳥跨水落長虹  
日下林全暗雲收嶺  
半空山泉鳴石澗地籟響巖風

賦得吳都

畫野通淮泗星躔應斗牛  
玉牒宏圖表黃旗美氣  
浮三分開霸業萬里宅神州  
高臺臨茂苑飛閣跨  
澄流江濤如素葢海氣似朱樓  
吳趨自有樂還似  
鏡中游

賦得慎罰

帝圖光往冊上德表鴻名  
道冠二儀始風高二代  
英樂和知化洽訟息表刑清  
罰輕猶在念勿喜尚  
留情明慎全無枉哀矜在好生  
五疵過亦察二辟  
理彌精蒙巾示廉耻嘉石務詳平  
每削繁苛性常  
深惻隱誠政寬思濟猛疑罪必從輕  
于張懲不濫  
陳郭憲無傾刑措諒斯在歡然仰頌聲

奉和詠日午

高天淨秋色長漢轉曦車  
玉樹陰初正桐圭影未



詩經  
初唐卷之四  
五  
斜翠蓋飛圓彩明鏡發輕花再中良表瑞共仰璧  
暉賒

發營逢雨應詔

一作魏知  
古詩非

豫遊欣勝地皇澤乃先天油雲陰御道膏雨潤公  
田隴麥霑逾翠山花濕更然稼穡良所重方復悅  
豐年

賦得臨池竹應制

葱翠梢雲質垂彩映清池波泛含風影流搖防露  
枝龍鱗漾嶰谷鳳翅拂漣漪欲識凌冬性唯有歲

寒知

侍宴應詔賦韻得前字

芬芳禁林晚容與桂舟前橫空一鳥度照水百花  
然綠野明斜日青山澹晚煙濫陪終宴賞握管類  
窺天

侍宴歸鴈堂

歌堂面淥水舞館接金塘竹開霜後翠梅動雪前  
香鳧歸初命侶鴈起欲分行刷羽同棲集懷恩愧  
稻梁

凌晨早朝

萬瓦宵光曙重簷夕霧收  
玉花停夜燭金壺送曉  
籌日暉青瑣殿霞生結綺樓  
重門應啓路通籍引  
王侯

奉和詠風應魏王教

逐舞飄輕袖傳歌共繞梁  
動枝生亂影吹花送遠  
香

初晴應教

初日明燕館新溜滿梁池  
歸雲半入嶺殘滴尚懸

枝

春夜

春苑月徘徊竹堂侵夜開  
驚鳥排林度風花隔水  
來

詠舞

繁弦奏淥水長袖轉回鸞  
一雙俱應節還似鏡中  
看

詠螢

的歷流光小飄颻弱翅輕  
恐畏無人識獨自暗中

明

蟬

垂綏飲清露流響出疎桐居高聲自遠非是藉秋

風

秋鴈

紀事作褚亮

日暮霜風急羽翮轉難任為有傳書意聯翩入上

林

褚亮

本傳云字希明錢塘人太宗既平寇亂留意儒學於宮城西起文學館亮與杜如晦

房玄齡于志寧蘇世長薛收姚思廉陸德明孔穎達李玄道李守素虞世南蔡允恭顏相

時許敬宗薛元敬蓋文達蘇勗十八人並以本官為學士薛收卒以劉孝孫補之使亮為圖贊貞觀中歷散騎常侍封陽翟縣男進爵為侯卒謚曰康

臨高臺

高臺暫俯臨飛翼聳輕音浮光隨日度漾影逐波

深迴瞰周平野開懷暢遠襟獨此三休上還傷千

里心

賦得蜀都

列宿光參井分芒跨梁岷沈犀對江浦駟馬入城

闡英圖多霸跡歷選有名臣連騎簪纓滿含章詞

詩紀  
初唐卷之四  
賦新得上仙槎路無待訪嚴遵

奉和詠日午

曦車日亭午浮箭未移暉日光無落照樹影正中  
圍草萎看稍靡葉燥望疑稀晝寢慙經笥暫解入  
朝衣

奉和望月應魏王教

層軒登皎月流照滿中天色共梁珠遠光隨趙壁  
圓落影臨秋扇虛輪入夜弦所欣東館裏預奉西  
園篇

詠花燭

蘭逕香風滿梅梁暖日斜言是東方騎來尋南陌  
車屬星臨夜燭眉月隱輕紗莫言春稍晚自有鎮  
開花

在隴頭哭潘學士

隴底嗟長別流襟一慟君何言幽咽所更作歿生  
分轉蓬飛不息悲松斷更聞誰能駐征馬回首望  
孤墳

奉和禁苑餞別應令

詩紀

初唐卷之四

九

大藩初錫瑞出牧邇皇京暫以綠車重言承朱傳  
一作榮舒桃臨遠騎垂柳映京營惠化宣千里威  
風動百城禁籞芳嘉節神襟餞送情金笳催別景  
玉琯切離聲野花開更一作落山鳥哢還驚微臣  
夙多幸薄宦奉儲明釣臺慙作賦伊水濫聞笙懷  
德良知久酬恩識命輕

和御史韋大夫喜霽之作

晴天度旅鴈斜影照殘虹野淨餘煙盡山明一作  
遠色同沙平寒水落葉脆晚枝空白簡光朝愜彤

騶出禁中息駕遊蘭坂雕文折桂叢無因輕羽扇  
徒自仰仁風

晚別樂記室彥

窮途屬歲晚臨水忽分悲抱影同爲客傷情共此  
時霧色侵虛牖霜氛冷薄帷舉袂慘將別停杯悵  
不怡風嚴征鴈遠雪暗去蓬遲他鄉有岐路遊子  
欲何之

傷始平李少府正已

勞息本相循悲歡理自均誰能免玄夜惜爾正青

春邁德惟家寶生才諒國珍高文綴翡翠茂學掩  
麒麟述作紛無已言談妙入神斷腸雖累月分手  
未盈旬輔嗣俄長往顏生即短辰聲華滿昭代形  
影委窮塵禪草迴中使生芻引弔賓同遊祕府日  
方駕直城闈並拜黃圖右分曹清渭濱風期嵇呂  
好存歿范張親虛座憐一作懷王述遺篇慟景純精  
靈與毫翰千祀壽何人

**魏徵** 本傳云字玄成鉅鹿人初為隱太子洗馬太子事敗太宗拜諫議大夫封鉅鹿縣男帝嘗引入卧内訪以得失遷秘書監預參朝政後代王珪為侍中尚書進封鄭國公多病

辭職乃拜特進知門下省事帝嘗謂侍臣曰貞觀以前從我平定天下周旋艱險玄齡之功無所與讓貞觀之後盡心於我獻納忠讜安國利民犯顏正諫匡朕之違者唯徵而已古之名臣何以加也卒謚文貞

### 賦西漢

本傳云太宗在洛陽宮幸積翠池宴群臣酒酣各賦一事太宗賦尚書徵賦西漢云云太宗曰魏徵每言必約我以禮

受降臨軹道爭長趣鴻門驅傳渭橋上觀兵細柳  
屯夜宴經柏谷朝遊出杜原終藉叔孫禮方知皇  
帝尊

暮秋言懷

一作宋之問詩非

首夏別京輔杪秋滯三河沈沈蓬萊閣日夕鄉思  
多霜剪涼地蕙風捎幽渚荷歲芳坐淪歎感此式  
微歌

述懷

紀事題出關作一作宋之問非

中原初一作還逐鹿投筆事戎軒縱橫計不就慷慨  
志猶存杖策謁天子驅馬出關門請纓繫南粵憑  
軾下東藩鬱紆陟高岫出沒望平原古木鳴寒鳥  
空山啼夜猿既傷千里目還驚九折魂豈不憚艱

險深懷國士恩季布無二諾侯嬴重一言人生感  
意氣功名誰復論

奉和正日臨朝應詔

百靈侍軒后萬國會塗山豈如今睿哲邁古獨光  
前聲教溢四海朝宗引百川鏘洋鳴玉珮灼爍耀  
金蟬淑景輝雕輦高旌揚翠煙庭實超王會廣樂  
盛鈞天既欣東日戶復詠南風篇願奉光華慶從  
斯萬億年

王珪

本傳云字叔玠太原人祖僧辨父顓高祖入關引為世子府諮議參軍遷中允建威

詩經

誅後太宗素知其才召拜諫議大夫遷黃門侍郎與房玄齡等同知國政後賜爵永寧郡公卒謚曰懿

### 詠漢高祖

漢祖起豐沛乘運以躍鱗手奮三尺劍西滅無道秦十月五星聚七年四海賓高抗威宇宙貴有天下人憶昔與項王契濶時未伸鴻門既薄蝕滎陽亦蒙塵蟣虱生介冑將卒多苦辛爪牙驅信越腹心謀張陳赫赫西楚國化為丘與榛

### 詠淮陰侯

秦王日凶慝豪傑爭共亡信亦胡為者劍歌從項梁項羽不能用脫身歸漢王道契君臣合時來名位彰北討燕承命東驅楚絕糧斬龍堰濉水擒豹潛夏陽功成享天祿建旗還南昌金千答漂母錢百酌下鄉吉凶成糾纏倚伏難預詳弓藏狡兔盡慷慨念心傷

### 竇威

本傳云字文蔚扶風人太穆皇后從父兄也

補大丞相府司錄參軍博物多識朝章國典皆其所定禪代文章多參與焉武德初拜內史令卒謚曰靖有文集十卷

詩經

初唐卷之四

七



出塞曲

匈奴屢不平漢將欲縱橫看雲方結陣却月始連

營潛軍度馬邑揚旆掩一作龍城會勒燕然石方

傳車騎名

陳叔達

本傳云字子聰陳宣帝第十六子明辨善容止高祖起義以絳郡歸欵授丞相府主簿封漢東郡公掌機密軍書赦令及禪代文誥多叔達所為武德初授黃門侍郎兼納言進封江國公貞觀初加授光祿大夫拜禮部尚書卒謚曰繆改謚曰忠有集十五卷

早春桂林殿應詔

金鋪照春色玉律動年華朱樓雲似蓋丹桂雪如

花水岸銜階轉風條出柳斜輕輿臨太液湛露酌

流霞

後渚置酒

大渚初驚夜中流沸鼓鼙寒沙滿曲浦夕霧上

鴈度低巖關猶未遂此夕待

晨雞

聽鄰人琵琶

本是龍門桐因妍入漢宮香緣羅袖裏聲逐朱弦

中雖有相思韻翻將入塞同關山臨却月花盡散

詩紀

初唐卷之四

古

迴風為將金谷引添令曲未終

州城西園入齋祠社

升壇預潔祀詰早肅分司達氣風霜積登光日色  
遲農教先八政陽和秩四時祈年服垂冕告幣動  
褰帷瘞地尊餘奠人天庶有資椒蘭卒清酌簠簋  
徹香其折俎分歸胙克庭降受釐方憑知禮節况  
奉化雍熙

春首

雪花聯玉樹冰彩散瑤池翔禽遙出沒積翠遠參

差

詠菊

初學記作陳叔達詩非

霜間開紫蒂露下發金英但令逢採摘寧辭獨晚  
榮

初年

和風起天路

一作表

嚴氣消冰井索索枝未柔厭厭

漏猶永

楊師道

本傳云字景猷華陰人清警有才思隋末自洛陽來歸尚桂楊公主累轉太常封安德郡公貞觀中拜侍中參預朝政退朝必引當時英俊宴集園池文會之盛一時莫

比酬賞之際援筆直書有如宿構太宗每見其詩必吟諷嗟賞卒謚曰懿

### 隴頭水

隴頭秋月明隴水帶關城笳添離別曲風送斷腸  
聲映雪峰猶暗乘冰馬屢驚霧中寒鴈至沙上轉  
蓬輕天山傳羽檄漢地急徵兵陣開都護道劍聚  
伏波營於茲覺無渡

一作方共濯胡纓

中書寓直詠雨簡褚起居上官學士

雲暗蒼龍闕沈沈殊未開窓臨鳳凰沼颯颯雨聲  
來電影入飛閣風威凌吹臺長簷響奔溜清簟肅

浮埃早荷葉稍沒新篁枝半摧茲晨悵多緒懷友  
自難裁况復重城內日暮獨徘徊玉堦良史筆金  
馬揆天才高薨通散騎復道駕蓬萊思君贈桃李  
於此冀瓊瓌

### 闕題

見玉臺後集

漢家伊洛九重城御路浮橋萬里平桂戶雕梁連  
綺翼虹梁繡柱映丹楹朝光欲動千門曙麗日初  
照百花明燕趙蛾眉舊傾國楚宮腰細本傳名二  
月桑津期結伴三春淇水逐關情蘭叢有意飛雙

蝶柳葉無趣隱啼鶯扇裏細粧將夜並風前獨舞  
共花榮兩鬢百萬誰論價一笑千金判是輕不爲  
披圖來侍寢非因主第奉身迎羊車詎畏青門閉  
兔月今宵照後庭

初秋夜坐應詔

玉瑄涼初應金壺夜漸闌滄池流稍潔仙掌露方  
溥鴈聲風處斷樹影月中寒爽氣長空淨高吟覺  
思寬

賦終南山用風字韻應詔

眷

一作睿

言懷隱逸輟駕踐幽叢白雲飛夏雨碧嶺

橫

一作冠

春虹草綠長楊路花踈五柞宮登臨日將

晚蘭桂起香風

詠飲馬應詔

清晨控龍馬弄影出花林躡蹠依春澗聯翩度碧  
潯苔流染絲絡水潔寫雕簪一御瑤池駕詎憶長  
城陰

初宵看婚

洛城花燭動戚里畫新蛾隱扇羞應慣含情愁已

多輕啼濕紅粉微睇轉橫波更笑巫山曲空傳暮  
雨過

應詔詠巢鳥

桂樹春暉滿巢鳥刷羽儀朝飛麗城上夜宿碧林  
隲背風藏密葉向日逐踈枝仰德還能哺依仁遂  
可窺驚鳴雕輦側王吉自相知

奉和夏日晚景應詔

輦路夾垂楊離宮通建章日落橫峯影雲歸起夕  
涼雕軒動流吹羽蓋息迴塘雜草生還綠殘花落

一作尚香青巖類姑射碧澗似汾陽幸屬無爲日  
歡娛方未央

奉和聖製春日望海

春山臨渤海征旅輟晨裝迴瞰盧龍塞斜瞻肅慎  
鄉洪波迴地軸孤嶼映雲光落日驚濤上浮天駭  
浪長仙臺隱螭駕水府汎龜梁碣石朝煙滅之罘  
歸鴈翔北巡非漢后東幸異秦皇塞旗羽林客跋  
距少年塲龍一作擊驅遼水鵬飛出帶方將舉青  
丘繳安訪白霓裳

春朝閒步

休沐乘閒豫  
清晨步北林  
池塘藉芳草  
蘭芷襲幽  
衿霧中分曉  
日花裏弄春  
禽野逕香恒  
滿山階筍  
屢侵何須命  
輕蓋桃李自  
成陰

還山宅

暮春還舊嶺  
徒倚翫年華  
芳草無行逕  
空山正落花  
垂藤掃幽石  
卧柳礙浮槎  
鳥散茅簷靜  
雲披澗戶斜  
依然此泉路  
猶是昔煙霞

詠馬

寶馬權竒出  
未央雕鞍照  
曜紫金裝  
春草初生馳  
上苑秋風欲  
動戲長楊  
鳴珂屢度章  
臺側細蹠經  
向濯龍傍  
徒令漢將連  
年去宛城  
今已獻名

一作明

王

奉和詠弓

霜重麟膠勁  
風高月影圓  
烏飛隨帝輦  
鴈落逐鳴  
弦

詠硯

圓池類璧水  
輕翰染煙華  
將軍欲定遠  
見棄不應

賒

奉和正日臨朝應詔

皇猷被寰宇端辰屬元辰九重麗天邑千門臨上春

楊希道

見初學記

詠琴

久擅龍門質孤竦嶧陽名齊娥初發弄趙女正調聲嘉客勿遽反繁弦曲未成

詠笙

短長插鳳翼洪細摹鸞音能令楚妃歎復使荆王吟切切孤竹管來應雲和琴

侍宴賦得起坐彈鳴琴二首

北林鵲夜飛南軒月初進調弦發清徵蕩心祛褊恹變作離鴻聲還入思歸引長歎未終極秋風飄素鬢

絲傳園客意曲奏楚妃情罕有知音者空勞流水聲

詠舞

二八如迴雪三春類早花分行向燭轉一種逐風

斜

顏師古

本傳云顏籀字師古雍州人之推孫也高祖起義師古至長春宮謁見授朝散

大夫拜燉煌公府文學遷中書舍人專掌機密凡有制誥皆成其手貞觀中擢中書侍郎

封瑯琊縣男於秘書省考定五經拜秘書少監專典刊正撰定五禮注班固漢書遷秘書

監弘文館學士卒謚曰戴有集六十卷所注漢書急就章行世

奉和正日臨朝

七政璿衡始三元寶曆新負辰延百辟垂旒御九

賓肅肅皆鷓鷯濟濟盛簪紳天涯致重譯日域獻

奇珍

孔紹安

文苑傳云山陰人與孫萬壽以文辭稱時稱孫孔高祖受禪拜內史舍人詔撰

梁史未成而卒有文集五卷

侍宴詠石榴

此詩入唐所作隋詩紀收者非

紀事云紹安大業末為監察御史高祖為隋討賊河東詔紹安監其軍深見接遇高祖受

禪紹安自洛陽間行來奔高祖大悅拜內史舍人時夏侯端亦嘗為御史監高祖軍先紹

安歸朝授秘書監紹安因侍宴詠石榴云云時人稱之

可惜庭中樹移根逐漢臣只為時來晚花開不及

春

詩已

刀書卷之八

三



馬周

本傳云字賓王清河人武德中補博州教授不治事刺史達奚恕數咎責之乃遊曹汴為浚儀令崔賢所辱遂感激西至長安客常何家太宗召之累遷至中書令兼太子右庶子職兼兩宮處事精密甚獲時譽尋以本官兼吏部尚書卒

凌朝浮江旅思

一作韋承慶詩

太清上初日春水送孤舟山遠疑無樹潮平似不流岸花開且落江鳥沒還浮羈望傷千里長歌遣

四愁

杜淹

紀事云字執禮秦王引為天策府曹參軍賦詩尤工楊文幹反辭連太子歸罪于淹流舊州貞觀初召為御史大夫後檢校吏部尚書預參朝政

召拜御史大夫贈袁天綱

紀事云淹始見袁天綱於洛天綱謂曰蘭臺成就學堂寬廣又語曰二十年外終恐責黜暫去即還武德六年以隱太子事俱流雋州至九年六月召入天綱曰至京即得三品要職果拜御史大夫乃贈詩云

伊呂深可慕松喬定是虛繫風終不得脫屣欲安如且珍純素美當與薜蘿踈既逢楊得意非復久

閑居

詠寒食闔雞應秦王教

唐新語云太宗戡內難以淹為御史大夫因詠雞以致意焉

寒食東郊道揚鞞競出籠花冠初一作偏照日芥羽

正生風顧敵知心勇先鳴覺氣雄長翹頻掃陣利

爪一作距屢通中飛毛遍綠野灑血漬芳藂一作然

言百戰勝會自不論功

寄贈齊公

冠蓋遊梁日詩書問志年佩蘭長坂上攀桂小山

前結交淡若水履道直如弦此歡終未極于茲獨

播遷赭衣登蜀道白首別秦川淚隨溝水逝心逐

曉旌懸去去逾千里悠悠隔九天郊野間長薄城

闕隱凝煙關門共月對山路與雲連此時寸心裏

難用尺書傳

初唐第四

初唐第五

唐詩紀五

吳郡黃德水彙編

鄆郡吳瑄校訂

岑文本

本傳云字景仁南陽人年十四詣司隸

稱父冤召對明辯眾頗異之試令作蓮  
花賦下筆便成屬意尤佳合臺歎賞父冤得  
雪由是知名貞觀初擢中書舍人所草詔誥  
或眾務繁湊命書僮六七十人隨口並寫須臾  
悉成亦盡其妙時中書舍人顏師古以譴免  
太宗曰我自舉一人乃授文本侍郎專典  
機密後拜中書令卒謚曰憲有集六十卷

奉和正日臨朝

時雍表昌運日正叶靈符德兼三代禮功包四海

圖踰沙紛在列執玉儼相趨清蹕喧輦道張樂駭  
天衢拂蜺九旗映儀鳳八音殊佳氣浮仙掌薰風  
繞帝梧天文光七政皇恩被九區方陪瘞玉體珥  
筆岱山隅

奉述飛白書勢

六文開玉篆八體曜銀書飛毫列錦繡拂素起龍  
魚鳳舉崩雲絕鸞驚遊霧踈別有臨池草恩霑垂  
露餘

冬日宴于庶子宅各賦一字得平

金蘭篤惠好樽酒暢生平既欣投轄賞暫緩望鄉  
情愛景含霜晦落照帶風輕於茲歡宴洽寵辱詎  
相驚

安德山池宴集

楊師道封  
安德公

甲第多清賞芳辰命羽卮書帷通竹徑琴臺枕槿  
籬池疑夜壑徙山似鬱洲移雕楹網蘿薜激瀨合  
填筮鳥戲番新葉魚躍動清漪自得淹留起寧勞  
攀桂枝

劉孝孫

本傳云荊州人弱冠知名與虞世南蔡  
君和孔德紹庾抱庾自直劉斌等登臨

山水結為文會武德初歷虞州錄事參軍太宗起文學館以杜如晦等十八人為學士薛收卒孝孫補之貞觀中遷著作郎後遷太子洗馬未拜卒。藝文志云撰古今詩苑三十卷與房德懋等同著事始三卷

### 遊清都觀尋沈道士得仙字

紛吾因暇豫行樂極留連尋真謁紫府披霧覲青天  
緬懷金闕外遐想玉京前飛軒俯松柏抗殿接雲煙  
滔滔清夏景嘒嘒早秋蟬橫琴對危石酌醴臨寒泉  
聊祛塵俗累寧希龜鶴年無勞生羽翼自可狎神仙

### 早發成臯望河

清晨發巖邑車馬走輾轉迴瞰黃河上愴怳屢飛魂  
鴻流導積石驚浪下龍門仙槎不辨處沈璧想猶存  
遠近洲渚出颯沓鳧鴈喧懷古空延佇歎逝將何言

### 遊靈山寺

吾王遊勝地驟駕歷祗園臨風畫角憤耀日采旗翻  
永懷筌了義寂念啓玄門深谿窮地脉高嶂接雲根  
信美諧心賞幽邃一作且攀援曳裾欣扈從

言終  
初唐卷之五  
方悟屏塵誼

冬日宴于庶子宅名賦一字得鮮

解襟遊勝地披雲促宴筵清文振筆妙高論寫言  
泉凍柳含風落寒梅照日鮮驪歌雖欲奏歸駕且  
留連

詠笛

涼秋夜笛鳴流風韻

詠一作

九成調高時慷慨曲變

或淒清征客懷離緒隣人思舊情幸以知音顧千  
載有奇聲

得春鶯送友人

翅掩飛燕舞啼惱婕妤悲料取金闈意因君問所  
思流鶯拂繡羽二月上林期待雪消金禁銜花向  
玉墀

凌敬

初為竇建德國子祭酒陳謀不行以及於敗其偽官屬皆降唐

遊清都觀尋沈道士得都字

聊排靈璫闥徐步入清都青谿冥寂士思玄狗道  
樞十芒生藥笥七焰發丹爐縹袞桐君籙朱書王  
母符宮槐散綠穗日槿落青柎矯翰雷門鶴飛來

葉縣鳧凌風自可御安事迫中區方追羽化侶從  
此得玄珠

巫山高

巫岫鬱岩堯高高入紫霄白雲間危一作抱石玄猿

挂迴一作迴挂條懸崖激巨浪脆葉殞驚飈別有陽臺

處風雨共飄颻

七夕賦詠成篇

夙駕鳴鸞啟閭闔霓裳遙裔儼天津五明霜紈開  
羽扇百和香車動畫輪婉變夜分能幾許靚粧冶

服為誰新片時歡娛自有極已復長望隔年人

趙中虛

遊清都觀尋沈道士得芳字

青谿阻千仞姑射貌汾陽未若遊茲境探玄象妙  
場鶴來疑羽客雲汎似霓裳寓目雖靈宇遊神乃  
帝鄉道存真理得心灰俗累忘煙霞疑抗殿松桂  
肅長廊早蟬清暮響崇蘭散晚芳卽此翔寥廓非  
復控榆枋

何仲誼

紀事云武德貞觀間人

言系 初唐卷之五  
七夕賦詠成篇

日日思歸勤理鬢朝朝佇望懶調梭  
凌風寶扇遙臨月映水仙車  
遠渡河歷歷珠星疑拖珮冉冉雲  
衣似曳羅通宵道意終無盡  
向曉離愁已復多

沈叔安

南部新書云武德七年遣刑部尚書沈叔安携天尊像賜高麗後為潭州都督

圖形凌煙閣

七夕賦詠成篇

皎皎宵月麗秋光耿耿天津橫  
復長停梭且復留殘緯拂鏡  
及早更新粧彩鳳齊駕初成  
輦雕鵲填

河已作梁雖喜得同今夜枕還愁  
重空明日牀

杜正倫

本傳云相州人太宗聞其名令直秦府文學館貞觀中累遷至中書侍郎兼太

子左庶子出入兩宮參典機密甚以幹理稱顯慶中累授黃門侍郎拜中書令兼太子賓客弘文館學士封襄陽縣公有集十卷○紀事云嘗與中書舍人董思恭夜直論文思恭歸謂人曰與杜公評文覺吾頓進

冬日宴于庶子宅各賦一字得節

李門余妄進徐榻君恒設清論  
暢玄言雅琴飛白雪寒雲暖落景  
朔風淒暮節方欣投轄情且駐當

歸別

詩已

初唐卷之五

六



玄武門侍宴

大君端展暇睿賞狎林泉開軒臨禁籞藉野列芳  
筵參差歌管颺容裔羽旗懸玉池流若醴雲閣聚  
非煙湛露晞堯日薰風入舜絃大德侔玄造微物  
荷陶甄謬陪瑤水宴仍廁柏梁篇闕名徒上月鄒  
辯詎談天既喜光華旦還傷遲暮年猶冀升中日  
簪裾奉肅然

于志寧

本傳云雍州人武德初授天策府從事中郎兼文學館學士貞觀中授散騎常侍太子左庶子高宗時遷侍中封燕國公拜尚書左僕射太子太師卒諡曰定有集二十

卷

冬日宴羣公子宅賦得杯字

陋巷朱軒擁衡門緹騎來俱裁七步詠同傾三雅  
杯色動迎春柳花發犯寒梅賓延半未醉驪歌不  
用催

令狐德棻

本傳云宜州人高祖入關引直大丞相府記室累遷秘書丞與陳叔達等受詔撰藝文類聚貞觀中歷官至禮部侍郎改撰晉書一十八人推德棻為首體製多取決焉國家凡有脩撰無不參預後遷國子祭酒兼崇賢館學士進封彭縣公卒諡曰憲

冬日宴于庶子宅各賦一字得趣

高門聊命賞羣英於此遇放曠山水情留連文酒  
趣夕煙起林蘭霜枝殞庭樹落景雖已傾歸軒幸  
能駐

封行高

觀州蓆人以文學知名貞觀中官至禮部郎中見封倫傳

冬日宴于庶子宅各賦一字得色

夫君敬愛重歡言情不極雅引發清音麗藻窮雕  
飾水結曲池冰日暖平亭色引滿既杯傾終之以  
弁側

長孫無忌

本傳云字機輔洛陽人文德皇后兄也貞觀中以功第一進封齊國公冊

拜司空加授太子太師受遺令輔政高宗卽位進拜太尉知門下省事後爲許敬宗誣構流黔州逼自縊死無忌既有大功而死非其罪天下哀之

新曲二首

阿儂

二字按吳本增

家住朝歌下早傳名結伴來遊淇水

上舊長情玉珮金鈿隨步遠

一作動

雲羅霧縠逐風

輕轉目機心懸自許何須更待聽琴聲

迴雪凌波遊洛浦遇陳王婉約娉婷工語笑侍蘭  
房芙蓉綺帳還開揜翡翠珠被爛齊光長願今宵  
奉顏色不愛吹簫逐鳳皇

灞橋待李將軍

颯颯風葉下 遙遙煙景曛 霸陵無醉尉 誰滯李將軍

鄭世翼 文苑傳云榮陽人弱冠有盛名武德中為揚州錄事參軍數以言辭忤物稱為

輕薄貞觀中坐怨謗流死雋州

過嚴君平古井 已下二首初學記作鄭翼

嚴平本高尚 遠蹈古人風 賣卜成都市 流名大漢中 舊井改人世 寒泉久不通 年多既罷汲 一作無

禽乃遂空 如何屬秋氣 唯見落雙桐

登北邙還望京洛

步登北邙坂 踟躕聊寫 一作屬 望宛洛 盛皇居規模

窮大壯 三河分設險 兩嶠資巨防 飛觀紫煙中 層

臺碧雲上 青槐夾馳道 迢迢脩且曠 左右多第宅

參差居 將相清晨謁 帝返車馬相 追訪胥徒各異

流 文物紛殊狀 躑躅塵暗天 起簫管從風颺 伊余忠

一作孤 且直生平 獨淪喪 山幽有桂叢 何為坐惆悵

巫山高

巫山凌太清 岩峩類削成 霏霏暮雨合 靄靄朝雲

生危峯入鳥道深谷瀉猿聲別有幽棲客淹留攀  
桂情

看新婚

婚一作婦初  
學記作鄭翼

初筭夢桃李新粧應標梅疑逐朝雲去翻隨暮雨  
來雜珮含風響叢花隔扇開姮娥對此夕何用久

徘徊

見佳負錢出路

出玉臺後  
集作鄭翼

獨負千金價應從買笑來祇持難發口經為幾人

開

袁朗

文苑傳云長安人嘗製千字詩當時以為  
盛作武德初授齊王文學祠部郎中封汝

南縣男貞觀中轉給  
事中卒有集十四卷

賦飲馬長城窟

朔風動秋草清蹕長安道長城連不窮所以隔華  
戎規模惟聖作負荷曉成功鳥庭已向內龍荒更  
鑿空玉關塵卷靜金微路已通湯征隨北怨舜詠  
起南風畫地功初立綏邊事云集朝服踐狼居凱  
歌旋馬邑山響傳鳳吹霜華藻瓊鉞屬國擁節歸  
單于欵關入日落寒雲起驚河被原隰零落葉已

寒河流清且急四時徭役盡千載干戈戢太平今  
若斯汗馬竟無施唯當事筆硯歸去草封禪

王宏

柳子厚龍城錄云宏濟南人與太宗幼日  
同學因問為八體書及帝即位因訪鄉人  
竟傳隱去是亦  
于陵之徒歟

從軍行

兒生三日掌上珠燕領猿肱穠李膚十五學劔北  
擊胡羌歌燕筑送城隅城隅路接伊川驛河陽渡  
頭邯鄲陌可憐年少把手時黃鳥雙飛梨花白秦  
王築城三千里西自臨洮東遼水山邊疊疊黑雲

飛海畔萋萋青草死從來戰鬪不求勳殺身為君  
君不聞鳳皇樓上吹急管落日衰徊腸先斷

王勣

紀事云武德貞觀  
間人有集五卷

詠妓

妖姬飾靚粧窈窕出蘭房日照當軒影風吹滿路  
香早時歌扇薄今日舞衫長不應令曲誤持此試

周郎

張文恭

貞觀時人與房玄齡辛丘馭李懷儼趙  
弘智劉禕之陽仁卿上官儀李淳風等

同修晉書  
名為御撰

七夕 一作張文琮詩

鳳律驚秋氣  
龍梭靜夜機  
星橋百枝動  
雲路七香飛  
映月迴雕扇  
凌霞曳綺衣  
含情向華幄  
流態入重闈  
歡餘夕漏盡  
怨結曉驂歸  
誰念分河漢  
還憶兩心違

佳人照鏡

倦采靡蕪葉  
貪憐照膽明  
兩邊俱拭淚  
一處有啼聲

董思恭 文苑傳云蘇州人所著篇詠甚為時人所重初為右史知考功舉事坐預泄問

日流死嶺表。藝文志云思恭高宗時為中書舍人撰玉山瑤彩

三婦艷

大婦裁紈素  
中婦弄明璫  
小婦多姿態  
登樓紅粉粧  
丈人且安坐  
初日漸流光

昭君怨二首

新年猶尚小  
那堪遠聘秦  
裾衫沾馬汗  
眉黛染胡塵  
舉眼無相識  
路逢皆異人  
唯有梅將李  
猶帶故

鄉春

琵琶馬上彈  
行路曲中難  
漢月正南遠  
燕山極

一作

直北寒髻鬟風拂亂一作散眉黛雪沾殘斟酌紅顏

盡一作改徒勞握鏡看

詠日

滄海十枝暉玄圃重輪慶舜華發晨楹菱彩翻朝鏡忽遇驚風飄自有浮雲映更也人皆仰無待揮

戈正

詠月

北堂未安寢西園聊騁望玉戶照羅幃珠軒明綺障別客長安道思婦高樓上所願君莫違一作遺清

風時可訪

詠風

蕭蕭度閭闔習習下庭闈花蝶自飄舞蘭蕙生光輝相鳥正舉翼退鷁已驚飛方從列子御更逐浮雲歸

詠霧

蒼山寂已暮翠觀黯將沈終南晨豹隱巫峽夜猿吟天寒氣不歇景晦色方深待訪公超市將予赴華陰

言終  
卷之五  
詠虹

春暮萍生早日落雨飛餘橫彩分長漢倒色媚清  
渠梁前朝影出橋上晚光舒願逐旌旗轉飄飄侍  
直廬

詠雪

天山飛雪度言是落花朝惜哉不我與蕭索從風  
飄鮮潔凌紈素紛糝下枝條良時竟何在坐見容  
華銷

詠星

歷歷東井舍昭昭右掖垣雲際龍文出池中鳥色  
翻流輝下月露一作路墜影入河源方知潁川集別  
有太丘門

詠雲

帝鄉白雲起飛蓋上天衢帶月綺羅映從風枝葉  
敷參差過層閣倏忽下蒼梧因風望既遠安得久  
踟躕

詠露

夜色凝仙掌晨甘下帝庭不覺九秋至遠向三危

詩已

初唐卷之五

十四



零蘆渚花初白葵園葉尚青晞陽一洒惠方願益

滄溟

謝偃

文苑傳云衛縣人本姓直勒氏貞觀中引為弘文館直學士拜魏府功曹時李百藥工為五言詩偃善作賦時人稱為李詩謝賦後出為湘潭令卒有文集十卷

踏歌詞三首

春景嬌春臺新露泣新梅春葉參差吐新花重疊

開花影飛鶯去歌聲度鳥來倩看飄颻雪何如舞

袖迴

逶迤度香閣顧步出蘭闈欲繞

一作曉非鴛鴦殿先過

桃李蹊風帶舒還卷簪花舉復低欲問今宵樂但

聽歌聲齊

夜久星沈沒更深月影斜裙輕纔動珮鬟薄不勝

花細風吹寶袜輕露濕紅紗相看樂未已蘭燈照

九華

樂府新歌應教

青樓綺閣已含春凝粧艷粉復如神細細輕裙一作

裙全漏影離離薄扇詎障塵樽中酒色恒宜滿曲

裏歌聲不厭新紫燕欲飛先遶棟黃鶯始啁啾嬌

人撩亂垂絲昏柳陌參差濃葉暗桑津上客莫畏  
斜光晚自有西園明月輪

褚遂良

本傳云錢塘人散騎常侍亮子也博涉文史貞觀中歷遷至黃門侍郎參綜朝

政太宗寢疾受顧命高宗即位賜爵河南郡公為尚書右僕射知政事後諫立武昭儀貶

愛州刺史卒

安德山池宴集

伏檻丹霞外遮園煥景舒行雲泛層阜蔽月下清  
渠亭中奏趙瑟席上舞燕裾花落春鶯晚風光夏  
葉初良朋比蘭蕙雕藻邁瓊琚獨有狂歌客來承

歡宴餘

楊績

華陰人有辭學貞觀中為鄆州刺史見楊恭仁傳

安德山池宴集

狹斜通鳳闕上路抵青樓簪紱啟賓館軒蓋臨御  
溝西城多妙舞主第出名謳列峯疑宿霧疏壑擬  
藏舟花蝶亂風影蘋藻含春流酒闌高宴畢自反  
山之幽

劉洵

本傳云劉洵字思道荊州人性疎峻敢言貞觀中累拜給事中封清苑男後除散騎

常侍嘗登牀爭取飛白御書帝笑曰昔聞婕妤辭輦今見常侍登牀後遷侍中以褚遂良

誣奏賜自盡  
意即此人

### 安德山池宴集

平陽擅歌舞金谷盛招攜何如兼往烈會賞叶幽  
栖已均朝野致還欣物我齊春晚花方落蘭深逕  
漸迷蒲新節尚短荷小蓋猶低無勞拂長袖直待  
夜烏啼

### 朱子奢

儒學傳云蘇州人武德中授國子助教  
貞觀中累轉諫議大夫弘文館學士遷  
國子司業○紀事云子奢善文辭為人樂易  
能劇談以經義緣飾每侍宴帝令論難羣臣

### 文德皇后挽歌

神京背紫陌縞駟結行軻北去橫橋道西分清渭  
流寒光向壟沒霜氣入松楸今日泉臺路非是濯  
龍遊

### 蕭翼

紀事云太宗時為監察御史充使取王羲  
之蘭亭序真蹟於越僧辯才歸擢員外郎

### 答僧辯才

太宗酷好二王書聞蘭亭真蹟在永欣寺僧  
辯才所百計求之不獲房玄齡薦翼多權謀  
必能稱旨翼乃作南人北遊辯才一見款密  
留宿設缸面酒酣樂之後探韻賦詩翼得招  
字云云既而術取書以歸太宗大  
悅擢員外郎賞賚甚厚見類苑

邂逅款良宵殷勤荷勝招彌天俄若舊初地豈成

言系 初唐卷之五 七  
逢酒蟻傾還泛心猿躁似調誰憐失羣翼長苦業  
風飄

蕭德言

儒學傳云字文行雍州人貞觀中除著作郎兼弘文館學士後賜爵封陽縣侯

拜秘書監文集三十卷

詠舞

低身鏘玉珮舉袖拂羅衣對簷疑燕起映雪似花

飛

陳子良

紀事云吳人與蕭德言庾抱同為太子學士貞觀六年卒

夏晚尋于政世置酒賦韻

聊從嘉遁所酌醴共抽簪以茲山水地留連風月  
心長榆落照盡高柳暮蟬吟一返桃源路別後難  
追尋

賦得妓

微雨散芳菲中園照落暉紅樹搖

一作遮

歌扇綠珠

飄舞衣繁絃調對酒雜引動思歸愁人當此夕羞

見落花飛

來濟

本傳云江都人篤志好學有文詞貞觀十八年初置太子司議郎妙選人望以濟為之高宗時拜中書侍郎兼弘文館學士知政事以修國史功封南陽縣侯尋為許敬宗誣

構左授庭州刺史突厥入寇總兵拒之赴賊戰沒

### 出玉關

斂轡遵龍漢銜悽渡玉關今日流沙外垂涕念生還

劉斌

與虞世南蔡君和孔德紹庾抱庾自直劉孝孫等登山臨水結為文會見劉孝孫傳

### 送劉散員同賦陳思王詩得好鳥鳴高枝

春林已自好時鳥復和鳴枝交難奮翼谷靜易流聲間關纔得性增繳遽相驚安知背飛遠拂霧獨晨征

楊濬

### 送劉散員賦得陳思王詩明月照高樓

高樓一何綺素月復流明重軒望不極餘暉攬詎盈鏡華當牖照鈎影隔簾生逆愁異樽酒對此難為情

何象

### 賦得御製句朔野陣雲飛

塞日穿痕斷邊鴻背影飛縹緲浮黃屋陰沈護御衣

毛明素

與琳法師 貞觀十一年法師幽繫故致詩焉

冶長倦縲繼韓安歎死灰始驗山中木方知貴不材

初唐第五

初唐第六

唐詩紀六

吳郡黃德水彙編

鄆郡吳瑄校訂

李百藥 本傳云字重規定州人隋內史令德林子也七歲解屬文陸又嘗過其父有說

徐陵文者云刈鄆琊之稻並不識其事百藥進曰傳稱鄆人藉稻注云鄆國在鄆琊開陽

又等驚異之貞觀六年召拜中書舍人歷太子左庶子宗正卿封安平縣子卒諡曰康百

藥以名臣子才行相繼四海名流莫不宗仰藻思沈鬱尤長於五言詩樵童牧豎並皆吟

諷太宗嘗製帝京篇命百藥並作既上詔曰卿何身老而才之壯齒宿而意之新乎有集

卷三十

少年行

少年飛翠蓋上路勒一作動金鑣始酌文君酒新吹

弄玉簫少年不歡樂何以盡芳朝千金笑裏面一

搦掌一作抱中腰挂纓一作冠豈憚宿落珥一作迎拜不勝

嬌寄語少年子無辭歸路遙

渡漢江

東流既溟溟南紀信滔滔水激沈碑岸波駭弄珠  
臯含星映淺石浮蓋下奔濤溜濶霞光近川長曉  
氣高檣鳥轉輕翼戲鳥落風毛客心既多緒長歌

且代勞

秋晚登古城

日落征途遠悵然臨古城積墉寒雀集荒堞晚鳥  
驚蕭森灌木上迢遞孤煙生霞景煥餘照露氣澄  
晚清秋風轉搖落此志安可平

途中述懷

伯喈遷塞北亭伯之遼東伊余何為客獨守雲臺  
中途遙已日暮時泰道斯窮拔心悲岸草半死落  
巖桐目送衡陽鴈情傷江上楓福兮良所伏今也

信難通丈夫自有志寧傷官不公

郢城懷古

客心悲暮序登墉瞰平陸林澤窅芊綿山川鬱重  
複王公資設險名都拒江隩方城次北門溟海窮  
南服長策挫吳豕雄圖競周鹿萬乘重沮漳九鼎  
輕伊穀大蒐雲夢掩壯觀章華築人世更盛衰吉  
凶良倚伏遽見鄰交斷仍覩賢臣逐南風忽不競  
西師日侵蹙運圯屬驅馳時屯恣敲朴莫救夷陵  
火無復秦庭哭鄢郢遂丘墟風塵俄慘黷狐兔時

遊踐霜露日霑沐鈞渚故

曲

一作

池平袖臺層宇覆

陣雲埋夏首窮陰慘荒谷悵矣舟壑遷悲哉年祀  
倏雖異三春望終傷千里目

晚渡江津

寂寂江山晚蒼蒼原野暮秋氣懷易悲長波淼難  
泝索索風葉下離離早鴻度丘壑列夕陰葭菼疑  
寒霧日落亭臯遠獨此懷歸慕

王師渡漢水經襄陽

導漾疏源遠歸海會流長延波接荆夢通望邇沮



詩細  
初唐卷之六  
漳高岸沈碑影曲激麗珠光雲昏翠島沒水廣素  
濤揚閔川已多歎遐睇幾增傷臨谿猶駐馬望峴  
欲沾裳喬木下寒葉亭林落曉霜山公不可遇誰  
與訪高陽

謁漢高廟

纂堯靈命啟滅楚餘閏一作閏餘終飛名膺帝籙沈迹  
韞神功瑞氣朝浮碣祥符夜告豐抑揚駕人傑叱  
咤掩時雄締構三靈改經綸五緯同干戈革宇內  
聲教盡寰中運謝年逾遠魂歸道未窮樹碑留故

邑抗殿表祠宮沐蘭祈泗上一作祀謁帝動深衷英  
威肅如在文物杳成空竹皮聚寒徑粉社落霜叢  
蕭索陰雲晚長川起大風

登葉縣故城謁沈諸梁廟

總轡臨秋原登城望寒日煙霞共掩映林野俱蕭  
瑟楚塞鬱不窮吳山高漸出客行殊未已沐浴期  
終吉椒桂莫芳樽風雲下虛室館宇肅而靜神心  
康且逸伊我非真龍勿驚疲朽質

安德山池宴集

言終  
朝宰論思暇高宴臨方塘雲飛鳳臺管風動令君  
香細草開金埒流霞泛羽觴虹橋分水態鏡石引  
菱光上才同振藻小伎謬連章懷音自蘭室徐步  
返山莊

和侍郎遊昆明池

神池望不極滄波接遠天儀星似河漢落景類虞  
泉年深平館宇道泰偃戈船差池下鳧鴈掩映生  
雲煙浪花開已合風文直且連稅馬金堤外橫舟  
石岸前羽觴傾綠蟻飛日落紅鮮積水浮深智明

珠曜雅篇大鯨方遠擊沈灰獨未然知君嘯儔侶  
短翮徒聯翩

賦得魏都

炎運精華歇清都寶命開帝里三方盛王庭萬國  
來玄武䟽遙陞金鳳上層臺乍進仙童藥時傾避  
暑杯南館招奇士西園引上才還惜劉公幹疲病  
清漳隈

賦禮記

玉帛資王會郊丘叶聖情重廣開環堵至道軼金

言糸  
五  
籛盤薄依厚地遙裔騰太清方悅升中禮足以慰  
餘生

奉和正日臨朝應詔

化曆昭唐典承天順夏正百靈警朝禁一作軒籛三辰

揚旆旌充庭富禮樂高讌齒簪纓獻壽符萬歲移

風韻九成

妾薄命

團扇秋風起長門夜月明羞聞拊背入恨說舞腰  
輕太常先已醉劉君恒帶醒橫陳每虛設吉夢竟

何成

火鳳詞二首

歌聲扇後出粧影鏡一作扇中輕未能令掩笑何處

欲障聲知音自不惑得念是分明莫見雙嚙斂疑

人含笑情

佳人靚晚粧清唱動蘭房影出一作入含風扇聲飛

照日梁嬌嚙眉際斂逸韻口中香自有橫陳會一作

分應憐秋夜長此首一作謝  
偃新曲非

奉和初春出遊應令

詩經  
初唐卷之六  
鳴笳出望苑飛蓋下芝田水光浮落照霞彩淡輕  
煙柳色迎三月梅花隔二年日斜歸騎動餘興滿  
山川

寄楊公

公子盛西京光華早著名分庭接遊士虛館待時  
英高閣浮香出長廊寶釧鳴百花無隔笑歌扇不  
障聲

戲贈潘徐城門迎兩新婦

秦晉稱舊匹潘徐有世親三星宿已會四德婉而

嬪雲光鬢裏薄月影扇中新年華與妝面共作一  
芳春

送別

眷言一杯酒悽愴起離憂夜花飄露氣暗水急還  
流鴈行遙上月蟲聲迴映秋明日河梁上誰與論  
仙舟

雨後

晚來風景麗晴初物色華薄雲向空盡輕虹逐望  
斜後窓臨岸竹前階枕浦沙寂寥無與晤樽酒論

風花

文德皇后挽歌

裴徊兩儀殿，悵望九成臺。玉輦終辭宴，瑤筐遂不開。野曠陰風積，川長思鳥來。寒山寂已暮，虞殞有餘哀。

詠蟬

中  
清心自飲露，哀響乍吟風。未上華冠側，先驚翳葉中。

詠螢火示情人

行  
牕裏憐燈暗，堦前畏月明。不辭逢露濕，祇爲重宵行。

春眺

疲痾荷拙患，淪躋合幽襟。栖息在何處，丘中素鳴琴。

許敬宗

本傳云敬宗字延族杭州新城人武德初召補秦府學士貞觀中封高陽縣男

拜太子右庶子檢校中書侍郎至龍朔中爲右相册拜太子少師多誣構事

奉和執契靜三邊應詔

玄塞隔陰戎，朱光分昧谷。地游窮北際，雲崖盡西

陸星次絕軒臺風衢乖禹服寰區無所外天覆今  
 咸育竄苗猶有孽戮負自貽辜疎網妖鯢漏盤數  
 怪禽通髯飛尚假息乳視暫稽誅乾靈振玉弩神  
 略運璇樞日羽廓遊氣天陣清華野昇暄光西夜  
 馳恩溢東瀉揮袂靜崑炎開關納流赭錦輶凌右  
 地華纓羈大夏清臺映羅葉玄汜控瑤池駮一作  
 鹿輸珍貺樹羽饗來儀輟餽觀化宇栖籞萃條支  
 薰風交閶闕就日泛濛漪充庭延飲至絢簡敷春  
 藻迎姜已創圖命力方論道昔託遊河乘再備商

山皓欣逢德化流思效登封草

奉和行經破薛舉戰地應制

混元分大象長策挫脩鯨於斯建宸極由此創鴻  
 名一戎乾宇泰千祀德流一作清垂衣凝庶績端  
 拱鑄羣生復整瑤池駕還臨官渡營周游尋曩跡  
 曠望動天情帷宮向丹浦帳殿矚宛城虜場棲九  
 穗前歌被六英戰地甘泉涌陣處景雲生普天沾  
 凱澤相携欣頌平

奉和入潼關

曦馭循黃道星陳引翠旗濟潼紆萬乘臨河耀六  
師前旌彌陸海後騎發通伊勢踰迴地軸威盛轉  
天機是節歲窮紀關樹蕩涼颺仙露含靈掌瑞鼎  
照川湄冲襟賞臨睨高詠入京畿

奉和春日望海

韓夷僣奉賚憑險亂天常乃神弘廟略橫海剪吞  
航電一作雷野清玄菟騰笳振白狼連雲飛巨艦編  
石架浮梁周游臨大壑降望極遐荒桃門通山抃  
蓬渚降霓裳驚濤含蜃闕駭浪掩晨光青丘絢春

組丹谷耀華桑長驅七萃卒成功百戰場俄且旋  
戎路飲至肅巖廊

奉和元日應制

天正開初節日觀上重輪百靈滋景祚萬玉一作土

慶惟新待旦敷玄造韜旒御紫宸武帳臨光宅文  
衛象鈎陳廣庭揚九奏大帛麗三辰發生同化育

播物體陶鈞霜空澄曉氣霞景瑩一作榮芳春德輝

覃率土相賀奉還淳

奉和初春登樓卽目應詔

言終  
不居卷之六  
旭旦臨重壁天眷極中京奉暉發芳甸佳氣滿層  
城去鳥隨看沒來雲逐望生歌裏非煙颺琴上凱  
風清文波浮鏤檻摘景煥雕楹璇璣體寬政隆棟  
象端衡創規雖有作疑拱遂無營沐恩空改鬢將  
何謝夏成

奉和秋日卽目應制

玉露交珠網金風度綺錢昆明秋景淡岐岫落霞  
然辭燕歸寒海來鴻出遠天葉動羅帷颺花映繡  
衣鮮規空昇閣魄籠野散輕煙鵲度林光起鳧沒

水文圓無機絡秋緯如管奏寒蟬乃睠情何極宸  
襟豫有旃

奉和秋暮言志應制

秋深桂初發寒牕菊餘菲波擁羣鳧至秋飄朔鴈  
歸月莢生還落雲枝似復非疑宸閱栖畝觀文佇  
少微聖敬韜前哲先天諒不違

奉和喜雪應制

嗛州表奇貺一作觀闕竹應遐巡何如御京洛流霰  
下天津忽若瓊林曙俄同李徑春姑峰映仙質郢



路雜歌塵伏檻觀花瑞稱觴慶冬積飄河共瀉銀  
委樹還重壁連山分掩翠綿霄遠韜碧千里徧浮  
空五軻咸淪跡機前輝裂素池上伴凌波騰華承  
玉宇凝照混金娥是日松筠性欣奉柏梁歌

奉和登陝州城樓應制

挹河澂綠宇御溝映朱宮辰旂翻麗景星蓋

一作

曳雕虹學嘖齊柳嫩妍笑發春藂錦鱗文碧浪繡  
羽絢青空眷念三階靜遐想二南風

遊清都觀尋沈道士

得清  
字

幽人蹈箕頽方士訪蓬瀛豈若逢真氣齊契體無  
名旣詮衆妙理聊暢遠遊情縱心馳具闕怡神想  
玉京或命餘杭酒時聽洛濱笙風衢通閬苑星使  
下層城蕙帳晨飈動芝房夕露清方叶棲遲趣於  
此聽鐘聲

奉和七夕宴玄圃應制二首

牛閨臨淺漢鸞駟涉秋河兩懷縈別緒一宿慶停  
梭星模鈿裏曆月寫黛中蛾柰許今宵度長嬰離  
恨多

言部  
初唐卷之六  
三  
姿閨期今夕娥輪泛淺潢迎秋伴暮雨待暝合神  
光薦寢低雲鬢呈態解霓裳喜中愁漏促別後怨  
天長

奉和儀鸞殿早秋應制

睿想追嘉豫臨軒御早秋斜暉麗粉壁清吹肅朱  
樓高殿凝陰滿雕牕艷曲流小臣參廣宴大造諒  
難酬

奉和詠雨應詔

舞商初赴節湘燕遠迎秋飄絲交殿網亂滴起池

漚激溜分龍闕斜飛灑鳳樓崇朝方浹寓宸盼俯  
凝旒

奉和過慈恩寺應制

鳳闕隣金地龍旂拂寶臺雲楣將葉並風牖送花  
來月宮清晚桂虹梁絢早梅梵境留宸矚揆發麗  
天才

冬日宴于庶子宅各賦一字得歸

倦游嗟落拓短翮慕追飛周醪忽同醉牙絃乃共  
揮油雲澹寒色落景靄霜霏累日方投分茲夕諒

無歸

送劉散員同賦得陳思王詩山樹鬱蒼蒼  
喬木託危岫積翠繞連岡葉疎猶漏影花少未流  
芳風來聞肅肅霧罷見蒼蒼此中餞行邁不異上  
河梁

侍宴莎冊宮應制得情字

三星希曙景萬騎翊天行葆羽翻風隊騰吹掩山  
楹暖日晨光淺飛煙旦彩輕寒寒桃變色冰斷箭  
流聲漸奏長安道神臯動睿情

奉和過舊宅應制

飛雲臨紫極出震表青光自爾家寰海今茲返帝  
鄉情深感代國樂甚讌譙方白水浮佳氣黃星聚  
太常岐鳳鳴層閣艷崔賀雕梁桂山猶總翠蘅薄  
尚流芳攀鱗有遺皓沐德抃稱觴

奉和宴中山應制

飛雲旋碧海解網宥青丘養賢一作更停八駿觀風  
駐五牛張樂臨堯野揚麾歷舜州中山獻仙酌趙  
媛發清謳塞門朱鴈入郊藪紫麟遊一舉氛霓靜

千齡德化流

奉和聖製登三臺言志應制

中天表雲榭載極聳崑樓聖作規玄造軒阿復聿  
修高門符令節形勝總神州企翼搏禽萃飛薨燕  
雀遊綴星羅百拱緣漢轉三休日雲生玉鳥初月  
上銀鈎妙管合秦鳳仙姿麗斗牛形言防處逸粹  
藻發嘉猷荷生無以謝盡瘁竟何酬

安德山池宴集

戚里歡娛地園林矚望新山庭帶芳杜歌吹叶陽

春臺榭疑巫峽荷蕖似洛濱風花縈少女虹梁聚  
美人宴遊窮至樂談笑畢良辰獨歎高陽晚歸路  
不知津

奉和聖製送來濟應詔

萬乘騰鑣警岐路百壺供帳餞離宮御溝分水聲  
難絕廣宴當歌曲易終興言共傷千里道俯跡聊  
示五情同良哉既深留帝念沃化方有贊天聰

七夕賦詠成篇

一年抱怨嗟長別七夕含態始言歸飄飄羅襪光

言終  
初唐卷之六  
天步灼灼新妝鑒月輝情催巧笑開星靨不惜呈  
露解雲衣所歎却隨更漏盡掩泣還弄昨宵機

擬江令於長安歸揚州九日賦

本逐征鴻去還隨落葉來菊花應未滿請待詩人

開

初唐第六

初唐第七

唐詩紀七

吳郡黃德水彙編

鄆郡吳 瑄校訂

王績

隱逸傳云字無功絳州人文中子通弟也少與李播呂才交善隋末為六合丞非其所好棄官還鄉里嘗躬耕東臯著書號東臯子或經過酒肆動經數日往往題壁作詩多為好事者諷詠所著有五斗先生傳醉鄉記無心子傳臨終自剋死日預為墓誌有文集五卷○呂才為王無功集序畧云君河中有渚田十數頃又有隱士仲長子光服食養性君遂結廬河渚貞觀中京兆杜之倫清河崔善為相繼為刺史皆召之君曰柰何坐召君

平 耶

古意六首

幽人在何所紫巖有仙躅月下橫寶琴此外將安  
欲材抽嶧山榦微點崑丘玉漆抱蛟龍脣絲纏鳳  
凰足前彈廣陵罷後以明光續百金買一聲千金  
傳一曲世無鍾子期誰知心所屬

竹生大夏谿蒼蒼富奇質綠葉吟風勁翠莖犯霄  
密霜霰封其柯鷓鸕食其實寧知軒轅後更有伶  
倫出刀斧俄見尋根株坐相失裁爲十二管吹作  
雄雌律有用雖自傷無心復招疾不如山上草離

離保終吉

寶龜尺二寸由來宅深水浮遊五湖內宛轉三江  
裏何不深復深輕然至溱洧溱洧源流狹春秋不  
濡軌漁人遞往還網罟相縈囁一朝失運會剗腸  
血流死豐骨輪廟堂鮮腴藉邊篋棄置誰怨尤自  
我招此否餘靈寄明卜復來欽所履

松生北巖下由來人徑絕布葉捎雲煙插根擁巖  
穴自言生得地獨負凌雲潔何時畏斤斧幾度經  
霜雪風驚西北枝電隕東南節不知歲月久稍覺

詩細  
初唐卷之十  
枝幹折藤蘿上下碎枝幹縱橫裂行當糜爛盡坐  
共灰塵滅寧關匠石顧豈爲王孫折盛衰自有時  
聖賢未嘗屑寄言悠悠者無爲嗟大耄

桂樹何蒼蒼秋來花更芳自言歲寒性不知露與  
霜幽人重其德徙植臨前堂連拳八九樹偃蹇二  
三行枝枝自相糾葉葉還相當去來雙鴻鵠栖息  
兩鴛鴦榮蔭誠不厚斤斧亦勿傷赤心許君時此  
意那可忘

彩鳳欲將歸提羅出郊訪羅張大澤已鳳入重雲  
颺朝栖岷閬木夕飲蓬壺漲問鳳那遠飛賢君坐  
相望鳳言荷深德微禽安足尚但使雛卵全無令  
繒繳放皇臣力牧舉帝樂簫韶暢自有來巢時明  
年阿閣上

石竹詠

萋萋結綠枝曄曄垂朱英常恐零露降不得全其  
生歎息聊自思此生豈我情昔我未生時誰者令  
我萌棄置勿重陳委化何足驚

田家三首

一作王勃詩

詩紀 初唐卷之七  
阮籍生年懶稽康意氣踈相逢一醉飽獨坐數行  
書小池聊養鶴間田且牧豬草生元亮徑花暗子  
雲居倚牀看婦織登壠課兒鋤迴頭尋仙事併是  
一空虚

家住箕山下門枕潁川濱不知今有漢唯言昔避  
秦琴伴前庭月酒勸後園春自得中林士何忝上  
皇人

平生唯酒樂作性不能無朝朝訪鄉里夜夜遣人  
沽家貧畱客久不暇道精麤抽簾持益炬拔篲更  
燃爐恒聞飲不足何見有殘壺

贈李徵君大壽

孔淳辭散騎陸昶謝中郎幅巾朝帝罷杖策去官  
忙附車還趙郡乘船向武昌九徵書未已十辟譽  
彌彰副君迎綺季天子送嚴光灞陵幽徑近磻谿  
隱路長編蓬還作室績草更爲裳會稽置樵處蘭  
陵賣藥行看書惟道德開教止農桑別有幽懷侶  
由來高讓王前年辭厚幣今歲返寒鄉有書橫石  
架無羶坐土牀蘭英猶足釀竹實本無糧澗松寒



言終  
初唐卷之七  
四  
轉直山菊秋自香管寧存祭禮王霸重朝章去去  
相隨去披裘驕盛唐

山中敘志

物外知何事山中無所有風鳴靜夜琴月照芳春  
酒直置百年內誰論千載後張奉一作鳳娉賢妻老  
萊藉嘉偶孟光儻未嫁梁鴻正須婦

贈梁公

我欲圖世樂斯樂難可常位大招譏嫌祿極生禍  
殃聖莫若周公忠豈踰霍光成王已興誚宣帝如

負芒范蠡何智哉單舟戒輕裝疏廣豈不懷策杖  
還故鄉朱門雖足悅赤族亦可傷履霜成堅冰知  
足勝不祥我今窮家子自言此見長功成皆能退  
自古誰滅亡

薛記室收過莊見尋率題古意以贈

伊昔遭喪亂曆數閏一作適當餘豺狼塞衢路桑梓

成丘墟吾及爾皆亡東西各異居爾為背風鳥我  
為涸轍魚逮承雲雷後欣逢天地初東川聊下釣  
南畝試揮鋤資稅幸不及伏臘常有儲散誕時須

酒蕭條懶向書朽木不可雕短翮將焉攄故人有  
深契過我蓬蒿廬曳裾出門迎握手登前除相看  
非舊顏忽若一作對接形骸踈追道宿昔事切切心相  
於憶我少年時携手遊東渠梅李夾兩岸花枝何  
扶疏同志亦不多西莊有姚徐嘗愛陶淵明酌醴  
焚枯魚嘗學公孫弘策杖牧羣豬追念甫如昨奄  
忽成空虛人生詎能幾感迫常不舒賴有北山僧  
教我以真如使我視聽遣自覺塵累祛何事須筌  
蹄今已得免魚舊遊儻多暇同此釋紛拏

晚年敘志示翟處士

正師

弱齡暮奇調無事不兼修望氣登重閣占星上小  
樓明經思待詔學劍覓封侯棄繻頻北上懷刺幾  
西遊中年逢喪亂非復昔追求失路青門隱藏名  
白社遊風雲私所愛屠博暗爲儔解紛曾霸越釋  
難頗存周晚歲聊長想生涯太若浮歸來南畝上  
更坐北谿頭古岸多磐石春泉足細流東隅誠已  
謝西景懼難收無謂退耕近伏念已經秋庚桑逢  
處跪陶潛見人羞三晨寧舉火五月鎮披裘自有

言  
初唐卷之七  
六  
居常樂誰知身世憂

春日

前旦出園遊林華都未有今朝下堂望一作池水  
開已久雪避一作南軒梅風催北庭柳遙呼竈前  
妾却報機中婦年光恰恰來滿甕營春酒

採藥

野情貪藥餌郊居倦蓬華青龍護道符白犬遊仙  
術腰鑱戊巳月負鍾庚辛日時時斷嶂遮一作往  
往孤峰出行披葛仙經坐檢農皇帙龜蛇採二苓

赤白尋雙朮地凍根難盡藜枯苗易失從容肉作  
名薯蕷膏成質家豐松葉酒器貯參花蜜且復歸  
去來刀圭輔衰疾

在京思故園見鄉人問

旅泊多年歲老去不知迴忽逢門前客道發故鄉  
來斂眉俱握手破涕共銜杯殷勤訪朋舊屈曲問  
童孩衰宗多弟姪若個賞池臺舊園今在否新樹  
也應栽柳行疎密布茅齋寬窄栽經移何處竹別  
種幾株梅渠當無絕水石計總生苔院果誰先熟

詩紀 初唐卷之七  
林花那後開，羈心祇欲問。爲報不須猜，行當驅下澤去剪故園萊。

春桂問荅二首

問春桂桃李正芬華，年光隨處滿何事獨無花。  
春桂荅春華詎能久，風霜搖落時獨秀。君知不

北山

舊知山裏絕氛埃，登高日暮心悠哉。子平一去何時返，仲叔長遊遂不來。幽蘭獨夜清琴曲，桂樹凌雲濁酒杯。槁項同枯木，丹心等死灰。

野望

東臯薄暮望徙倚，欲何依。樹樹皆秋一作春色，山山唯落暉。牧人驅犢返，獵馬帶禽歸。相顧無相識，長歌懷采薇。

贈程處士

百年長擾擾，萬事悉悠悠。日光隨意落，河水任情流。禮樂囚姬旦，詩書縛孔丘。不如高枕枕，一作時取醉消愁。

九月九日

野人迷節候端坐隔塵埃忽見黃花吐方知素節  
回映巖千段發臨浦萬株開香氣徒盈把無人送  
酒來

獨坐

問君樽酒外獨坐更何須有客談名理無人索地  
租三男婚令族五女嫁賢夫百年隨分了未羨陟  
方壺

遊仙四首

暫出東陂路過訪北巖前蔡經新學道王烈舊成

仙駕鶴來無日乘龍去幾年三山銀作地八洞玉  
爲天金精飛欲盡石髓溜應堅自悲生世促無暇  
待桑田

上月芝蘭徑中巖紫翠房金壺新練乳玉釜始煎  
香六局黃公術三門赤帝方吹沙聊作鳥動石試  
爲羊緱氏還程促瀛洲會日長誰知北巖下延首  
詠霓裳

結衣尋野路負杖入山門道士言無宅仙人更有  
村斜谿橫桂渚小徑入桃源玉牀塵稍冷金爐火

尚溫心疑遊北極望似陟西崑逆愁歸舊里蕭條  
訪子孫

真經知那是仙骨定何爲許邁心長切稽康命似  
奇桑疎金闕迴苔重石梁危照水然犀角遊山費  
虎皮鴨桃聞已種龍竹未經騎爲向天仙道棲遑  
君詎知

策杖尋隱士

策杖尋隱士行行路漸賒石梁橫澗斷土室映山  
斜孝然縱一作疑有舍威輦遂無家置酒燒枯葉披

書坐落花新垂滋水釣舊結茂陵且歲歲長如此  
方知輕世華

贈學仙者

採藥層城遠尋師海路賒玉壺橫日月金闕斷煙  
霞仙人何處在道士未還家誰知彭澤意更覓一作  
道步兵那一作邪春釀煎松葉秋杯浸菊花相逢寧  
可醉定不學丹砂

黃頰山

別有青谿道斜日碧巖隈崩榛橫古蔓荒石擁寒

言終  
不厚卷之十  
苔野心長寂寞山徑本幽迴步步攀藤上朝朝負  
藥來幾看松葉秀頻值菊花開無人堪作伴歲晚  
獨悠哉

入長安詠秋蓬示辛學士

遇坎聊知止逢風或一作忽未歸孤根何處斷輕葉

強能飛

過酒家五首一作題酒店壁

洛陽無大宅長安乏主人黃金銷未盡祇爲酒家  
貧

此日長昏飲非關養性靈眼看人盡醉何忍獨爲  
醒

竹葉連糟翠蒲萄帶麴紅相逢不令盡別後爲誰  
空

對酒但知飲逢人莫強牽倚壚便得睡橫甕足堪  
眠

有客須教飲無錢可別沽來時長道貫慚愧酒家

胡一作壺

夜還東谿

詩紀 初唐卷之七  
石苔應可踐叢枝幸易攀青谿歸路直乘月夜歌  
還

山中別李處士

爲向東谿道人來路漸賒山中春酒熟何處得停  
家

初春

春來日漸長醉客喜年光稍覺池亭好偏宜酒甕  
香

醉後

阮籍醒時少陶潛醉日多百年何足度乘興且長  
歌

題酒店壁

昨夜鉞始盡今朝甕卽開夢中占夢罷還向酒家  
來

戲題卜鋪壁

且逐劉伶去宵隨畢卓眠不應長賣卜須得杖頭  
錢

嘗春酒



野觴浮鄭酌山酒漉陶巾但令千日醉何惜兩三春

獨酌

在一作浮生知幾日無狀逐空名不如多釀酒時向

竹林傾

秋夜喜遇王處士

北場芸藿罷東臯刈黍歸相逢秋月滿更值夜螢

飛

山夜調琴

促軫乘明月抽絃對白雲從來山水韻不使俗人聞

看釀酒

六月調神麴正朝汲美泉從來作春酒未省不經

年

崔善為

具州人武德中歷尚書左丞頗事聽察曹吏嘲之卒於秦州刺史見紀事

荅王無功冬夜載酒鄉館

頒條忝貴郡懸榻久相望處士同楊鄭邦君謝李疆詎知方擁篲逢子敬惟桑明朝蓬戶側會自謁

詩經  
初唐卷之七  
任崇

荅王無功九日

秋來菊花氣深山客重尋露葉疑涵玉風花似散  
金摘來還泛酒獨坐卽徐斟王弘貪自醉無復覓  
楊林

朱仲晦

荅王無功思故園見鄉人問

我從銅州來見子上京客問我故鄉事慰子羈旅  
色子問我所知我對子應識朋遊總強健童稚各

長成華宗盛文史連墻富池亭獨子園最古舊林  
間新垌柳行隨堤勢茅齋看地形竹從去年移梅  
是今年榮渠水經夏響石苔終歲青院果早晚熟  
林花先後明語罷相歎息浩然起深情歸哉且五  
斗餉子東臯耕

初唐第七



